

浙江省議會第一屆常年會議事錄

浙江省議會
會議事錄

杭州金剛寺巷民新印刷局代印

浙江省議會第一屆常年會議事錄

第二冊目錄

議事部

丁團體陳請

十五太平縣縣議會解散爭議事件

十六石門縣縣議會陳請取消暫行不動產移轉稅法施行細則第八條案

十七象山縣縣議會陳請石浦仍歸象山南田改設島司案

十八天台縣縣議會陳請彈劾知事違法案

十九新昌縣縣議會陳請彈劾知事違法逮捕縱警騷擾案

二十象山縣縣議會咨稱玉泉場鹽事長佔住縣議會議場請咨民政長

電飭遷移案



二十一慈谿縣縣議會陳請裁撤丈亭統捐分局案

二十二麗水縣縣議會陳請解決準備金用途案

二十三淳安縣縣議會陳述地丁滯納處分暫行法實行之困難案

二十四平湖縣城鎮鄉自治聯合會陳請轉咨民政長令飭該知事遵照縣議會議決案將抵補金附捐悉充自治經費案

二十五嘉善縣縣議會陳請提議糾參袁知事違法瀆職案

二十六吳興縣城區董事會總董俞宗濂咨請解釋議員可否兼任自治委員案

二十七常山縣商務分會陳請撤消西門外及招賢二處統捐分局案

二十八嘉善縣商務分會請糾正嘉善西門外及俞匯荻灶三處分局案
戊公民陳請

二十九湯壽潛等續請建設朱舜水先生專祠案

三十南田縣代表葉桐封等陳請撤消南田清丈局案

三十一周景濂陳請彈劾瑞安縣知事違法案

三十二臨海縣公民余藻等陳請查辦台州禁煙監督謝祖康違法案

三十三蕭山縣公民陳常等陳請彈劾彭知事違法案

三十四太平縣公民林起等陳請查辦汪知事違法案

三十五義烏縣公民陳白章寶等陳請撥西湖廢祠改建宗忠簡公專祠案

浙江省議會第一屆常年會議事錄

(丁)團體陳請

(十五)太平縣縣議會解散爭議事件

本年一月二十九日准知事汪成教咨稱一月二十二日奉民政司長批本知事呈縣參兩會係屬臨時機關請示由奉批據呈該縣前次舉辦縣自治未盡遵照法定手續係屬臨時機關仰即轉飭解散准派員將該縣議會參議會各項公文賬據銀錢等逐一檢查收存縣署一面查照定章迅即另行組織限日成立毋稍延悞所有該縣應行交議事件准候正式縣議會參議會成立後提交議決可也等因續據選民蔡振華等來函稱伊等赴省呈控於二月三日奉都督批仰民政司查案核飭太平縣知事遵照同日奉民政司批查此案前奉都督批司飭查並據該縣城鎮鄉各自治職林則俊等電稟前來業經轉令該縣知事查覆備核在案據稟前情仰太平縣知事併案查明具覆核奪今汪知

事不遵二月三日批發之司令縮短法定期間定三月二十五日舉行縣自治選舉等語查太平縣議會經前知事胡爲和奉前督司令行知城鎮鄉遵照縣自治選舉章程辦理於上年二月八日成立呈報楮前司長核准轉呈蔣前都督頒發鈴記啟用開會歷經八九月之久無一選舉不遵定章之申訴且無選舉不遵定章之縣詳成案均可稽核乃自本會呈効前知事王萬懷違法十款十八款及兩會評發財政科長李兆庚收支不當後始有捏名之吳世華吳錦王澤林尙鼎陳誠金作鑑等迭起呈控誣理違法各款並牽涉議員選舉不遵定章經王前知事萬懷查覆稱理被控各節均係屬實並誣理種種不法行爲請將議長名目先行撤銷侵吞各公款悉數勒繳嚴追科罪稱縣議會參議會議員胡前任爲和確係城鎮鄉自治議員中票選並不遵照選舉章程辦理應作無效另選等語當經照奉都督批准由縣參兩會代表赴省呈訴奉批仰司查覆轉行到縣經汪知事成教轉飭各城鎮鄉總董鄉董查覆先經覆縣者十

區有新河鄉一區稱係自治議員票選餘皆覆稱違章民選而汪知事並不查察有無挾嫌指使誣覆等情偏聽科長李兆庚私囑借新河鄉一區覆稱自治議員票選輒據以呈覆其城鄉九區之覆稱違章民選者均略而不論且復朦混其詞曰未盡遵照法定手續又曰係屬臨時機關以致單准民政司批飭解散另行組織今蔡振華等函稱奉批飭查而汪知事竟敢擅行改選殊多不合伏查民政司批飭解散議會另組之令於一月二十二日到縣蔡振華等批則在二月三日牌示夫既有併案查覆之後命則前此解散另組之批飭當然消滅該汪知事何可不遵惟此問題係延擱後命未行或行未到縣均毋庸研究第後令既經發表則前此解散另組之司令若不先行電飭取消恐遲至另組之後而新舊議員互相衝突未免大局有傷况 理 被誣各節同此捏名之吳世華吳錦等原告前知事王萬懷同案誣覆現既剖訴明白傳質無人王知事誣捏情形業經昭著且 理 已應選衆議院議員自應由縣會召集開議辭職交代

此種問題原無多贅第議會爲議事機關與行政機關兩相對待若不查照法定解散縣議會手續據縣知事一方之詞遽准所請則議事機關之言論及所有權限盡爲縣知事所箝制議會幾同虛設矣理以事關桑梓不敢緘默謹將縣議會無可解散另組之理由一一陳述如左

(一)本會成立在上年二月初旬吳世華等申訴則在九月半後王知事查覆則在十月初旬查縣自治選舉章程第四十一條第一項照第四十二條四十三條規定申訴三十日今吳世華等起訴及王知事呈覆距本會成立期間已越二百餘日之久無論是否實情或挾嫌誣捏當然無效此議會無可解散另組之理由一也

(二)王知事呈覆吳世華等控案其出呈之日在交卸之前一日距本會呈劾違法十款十八款期間遲經數月其爲挾嫌飾抵圖報不辨而明則王知事所呈已無足信此縣議會無可解散另組之理由二也

(一)王知事呈復稱 理種種違法牽涉縣自治議員選舉違章呈請撤銷議長解散議會各情 理以個人關係各款曾經逐節辨訴傳質原告無人請縣知事判決轉詳並呈明督司核辦在案 理被誣各節既經昭雪則王知事已于誣捏之條其原詳更不足以爲據此縣議會無可解散另組之理由三也

(一)吳世華等控案既經傳質無人所控皆虛則同一原告原詳之案被所牽涉者似亦未能作實夫 理既無罪可入不能取消議長自不能解散議會此縣議會無可解散另組之理由四也

(一)議會之正式臨時全在組織時曾否遵照定章曾否經行政官廳核定以爲之斷本會經胡前知事組織呈報楮前司長轉詳蔣前都督核准承認正式議會者幾年矣豈以汪知事一紙空文請作臨時機關者即可爲定斷此議會無可解散另組之理由五也

(一)縣自治選舉章程第二條及第三條規定選舉區域以城鎮鄉區域爲準

各區各自定額其選舉是否遵照定章自當分別爲衡未有一區之無效因以牽動全邑之條今汪知事奉令轉飭城鎮鄉查覆雖新河鄉一區覆稱違章而遵章者實居其九縱該鄉所覆果屬真情申訴期間亦未達限亦祇該鄉之一區另選或有多區亦當同斷似未可因此區之無效牽動彼區更致牽動全邑者此議會無可解散另組之理由六也

(一)縣自治章程第九十三條遇不得已情事解散縣議會雖監督官廳亦當提交省議會議決未可出之命令况以縣知事之呈請又復朦混其詞輒以解散議會與定章尤屬相違此議會無可解散另組之理由七也

總之正式議會既經行政官廳組織呈報成立並經監督官廳認可自不能以縣知事一方之呈請而以命令改正式爲臨時違法定申訴期限已歷二百餘日之久自不能以捏名之選舉訴訟縣知事之朦混呈覆遽准所請改作臨時機關解散另組况解散縣議會照章須交省議會議決乃不查照法定手續而

行之以命令未免違背定章侵奪省議會權限且縣議會與縣知事處相等地位有預決經費之權一經認真稽察每招知事所忌無日不思箝制者久矣故雖三五查覆或稍圓前說終如一轍理交代在即於縣議會已屬無關但民權所寄不能不竭力維持冀昭慎重况理自選任縣議會議長以來凡一邑之利害所關無不與諸議員共商方法雖能事事認真不避權要而呈劾王知事違法終爲官廳袒護一無效果致犯王知事之怒捏造姓名控理種種不法查覆皆眞又慮虛實易分即時昭雪加以議會選舉不遵定章之誣務使一蹶不振使彼得遂其私欲故於卸事後逗留閱月延不交代以俟取消議長議會之命下迨本會奉都督民政司長電令會算王汪兩知事交代事宜又被退伍兵埋服署門被所控辱毆傷不能終事得以私相交代本會不果與聞故當日諸退伍兵在署並不先事拘留一面電請辦法任其脫然而去而以遠颺呈報至今仍不一獲以致諸退伍兵聲稱係縣署主使不致坐罪之言無可對質似此種

種惡毒手段以相箝制有識者無不引以為恨。個人雖無足惜恐自此以後各議會議事之權之克能自立而不至如科長科員之任聽指揮者幾希矣。現貴會正式成立為各縣議會所仰望則身首之與臂指其苦痛自屬相連。今以縣議會議長之故遭此屈辱兼致牽涉議會若不咨請貴會付議公決則議會終無伸雪時矣。為此備叙事實兼具理由伏乞貴會提前付議并先行函達民政長電飭汪知事從緩改選以昭慎重。

第一次會議日時 三月二十日下午三時二十分至四時十分

一 讀會 首由政務委員說明解散該會理由略稱光復以後各縣縣議會均屬臨時性質自縣議會選舉新章議決公布後各處議會悉遵新章改選故太平縣議會事同一律亦應遵章改組云云。後經眾議員與政務委員互相討論對於官廳遲行解散與不由省議會公斷遲行解散二層多所指摘經眾議決於本案成立無異議遂決定付法律股審查。

第二次會議日時 三月二十六日下午三時五十分至五時

法律股提出審查會報告書如左

本股審查太平縣議會解散爭議事件茲將審查結果報告如左

理由

改組與解散事實相等而名義不同如議員任期已滿全體改選者是謂改組或新法頒布舊法失其効力則依舊法所組織之議會應即改選此亦謂之改組若解散議會必有特別之原因或議會逾越權限或有違法舉動而後官廳得依法定手續以解散之查太平縣議會成立於民國元年二月八日而臨時省議會所議決之縣議會選舉章程頒布於民國元年二月一日公報達太平又需十三日然則太平縣議會之成立在未奉到縣議會選舉新章以前毫無疑義其辦理選舉必未遵照縣議會選舉新章亦毫無疑義辦理選舉既未遵照新章則無論其選舉手續是否完備理應改組乃該議會成立於新舊法交

替之際行政官廳未能遵章辦理飭即改選延誤於前而操切於後此不得不歸罪於官廳者也是故審查會對於此案之意見主張改組與解散劈作兩層
太平縣議會應令從速改組而官廳所擅頒之解散命令當由本會聲請撤還
決議

太平縣議會宜改組而不當解散

審查長報告畢衆議員對於審查報告多所反對咸謂申訴期間已過選舉當爲有效該會自不應改組以重自治機關云云表決贊成本案再付審查者計六十六人多數遂重付原股審查

第三次會議日時 四月初九日下午四時二十分至五時

法律股提出審查會報告書如左

本股審查太平縣議會爭議事件茲將審查結果報告如左

按解散議會照普通法理言之不問法律所定爲立法機關與議事機關但行

解散須爲法律上所認有應行解散之事實及經一定之手續方可斷未有對於尙無違法之議會而遽行解散之處分查前民政司將太平縣議會批飭解散另組其依據要點認太平縣議會之組織係屬不適法之臨時會一因該縣議會議員由城鎮鄉議會互選而出二因該縣議會成立在本省縣自治章程未頒布以前其批令解散之由來因該縣公民吳世華等之呈控及該縣知事之呈復其批發解散之時期距頒布本省縣自治章程十個月之後綜其依據覈其批飭則太平縣議會不能適用解散之處分亦無必要改組之理由得分列如左以待公決

理由

(一)該縣議會議員由城鎮鄉議會互選而出據該縣議會議長陳請書及該縣知事之呈稱僅係新河等一二鄉並非全縣互選查該鄉互選之弊當該縣議會成立之際並無該鄉等選民出頭舉發故陳請書內所稱偏聽科長李兆

庚私囑而行似宜可爲注意之點也

(二)該縣議會成立在本省縣自治章程未頒布以前據該縣議會議長陳請書所稱太平縣議會經前知事胡奉前督司令行知城鎮鄉遵照縣自治選舉章程辦理並非自由集合查去年所頒布之縣自治章程並無明白規定有取消前辦縣自治會之條文故當新法未頒布以前依據舊法所執行之事當然有效今查該縣議會之組織確係遵依舊法當時又無各選民異議之處此亦似宜可爲注意之點也

(三)都督司長批令解散之由來因該縣公民吳世華等之呈控所致查縣議會爲地方議事機關卽爲法定團體之一今該縣議會成立已八九月之久遽因個人之呈控卽批令解散另組在該縣議會雖僅係一處似不妨輕形措置然地方法律上無一定之保障力則自治前途勢難發展故解散另組須根據一定選舉訴訟之期間行之關於此點實亦可爲注意及之也

(四)批發解散令時已距頒布縣自治章程十個月之後如謂係遵奉新頒之縣自治章程起見應早於該縣知事呈送縣議會成立選舉冊時即可批令依法另組即不然後由該縣王知事呈請趁選舉省議會議員時隨同改選縣議會議員亦可准如所請辦理尙爲未晚乃前民政司屈批謂無此辦法似已確知該縣議會成立之無弊故出此正當之主持今積時已久而解散之批飭忽來按之法理事實不但啓人民之迷惑實足以召自治之紛擾關於此點尤宜注意及之也

據上審查所得可知太平縣議會無違法之明證何能解散另組况縣議會爲全邑最高議事機關監察行政整理地方財政開侶伊始尤易致招嫌怨若不按法維持積而久之縣議會勢必等於虛設此解決太平縣議會爭議事件時尤爲必要之注意處也

決議

太平縣議會無違法之明證不能適用解散之處分亦無改組之必要

審查長報告重查本案情形經衆討論有謂以法律理論批令該會改組實不
正當但現已有數處改選若復令其照舊實多廢手續故從事實着想此事似
可無須深究經久討論表決贊成審查報告者計九十五人多數議決即本報
告書之意咨請民政長查照施行

四月十八日民政長對於本議決案叙述異議理由咨交復議茲錄本案覆議
文如左

案於本月十五日准貴會咨開太平縣議會不得解散等因准此查大咨中所
持理由本民政長有不能無異議者一查太平縣議會據前王知事呈報確係
城鎮鄉自治議員中票選並無直接民選又據現汪知事呈稱縣參兩會如何
組織縣署無案可稽夫不由民選無案可稽之議會在根本上不能不認爲臨
時機關臨時機關無申訴期限之規定即無須經省議會之議決批令改組固

屬行政官廳之職務並非公斷亦非因有不得已事故而解散之也且一方正式改組一方解散取消乃當然之事實於法理并無違背二查浙江省第一次修改縣自治章程在民國元年二月三日經前都督蔣刊登公報公布到達太平須十三日計在同年二月十五日該議會於二月八日成立是在該章程未頒到之先而非在該章程之施行期內新法未頒布之先舊法本應有效惟該議會議員係由城鎮鄉自治會員中票選前清府廳州縣自治章程並無此項規定是該議會且未嘗率由舊章猶之前次本省臨時省議會選舉章程頒布以後自應遵章改組者也總之該議會確爲臨時機關已如上述當胡前民事長於元年二月呈報議員姓名冊式不合未填年歲住址經前政事部長褚飭令補造迄未呈復其間雖一再飭查時閱數月始令改組責行政官廳對於此案進行之遲滯固所順受至飭令改組純係認爲臨時性質並非因有事故亦非發動於胡世華等之申訴舉凡須經省議會議決以及公斷機關申訴期間

之規定均不能適用光復以後如黃巖江山等縣會始則朦報正式選舉繼經選民控告知事查復均令改組在案此案事同一律在官廳執行職務原以尊重議事機關遵守法案起見辦理尙無不合准咨前因相應叙述理由咨請貴議會查照復議實爲公便

第四次會議日時 四月二十一日下午一時五十分至二時三十分

首由政務委員說明覆議本案理由衆議員出席共一百一十一人先後討論對於民政長叙述異議理由均認爲不充分表決贊成仍執前議者計七十八人滿出席議員三分之二以上遂決定仍執前議咨覆民政長查照施行

(十六)石門縣縣議會陳請取消暫行不動產移轉稅法施行細則第八條案

查本省暫行不動產移轉稅法施行細則第八條追及前清交易已成立之不動產殊爲窒礙難行細釋移轉稅法第三條之規定移轉稅限於交易行爲顯見不動產之移轉以交易行爲爲斷凡有交易行爲時自應納移轉之稅無交

易即無移轉如人民祖遺產業曾於前清收糧過戶現無交易行爲者似不應一律強令納稅倘依移轉稅法施行細則第八條辦理是已稅而令其再稅未免跡近重征况追及前清一層爲法律所未規定而僅見於財政司所訂之施行細則是以命令代法律人民礙難承認茲經敝會於本月十三日開臨時會議決請貴會迅即提付公議咨行都督取消移轉稅法施行細則第八條以符法案而除窒礙爲此備文咨請貴會察核即煩查照施行

第一次會議日時 三月二十六日下午一時三十分至四十分

是日建議股將凡關於登記之事共七件併案提出於大會經衆討論將石門縣縣參兩議會陳請書另列一案旋復議決將該縣縣議會陳請書爲議題參議會陳請書爲參攷遂決定付議編入下次議事日程

第二次會議日時 四月二十九日下午三時至五十分

一讀會 衆議員先後討論稱施行細則第八條之規定於法律固多違背

即揆諸理論亦屬未妥且與登記本法抵觸之處甚多其窒礙難行概可想見亟應議決取消以符法理而蘇民困表決贊成本案成立者計九十人多數議決不付審查即照陳請書通過咨請民政長查照施行

四月二十一日日本會接到民政長咨文令交復議按照省議會暫行法第三十八條之規定已逾覆議期限故遵章不再議附誌

(十七)象山縣縣議會陳請石浦仍歸象山南田改設烏司案

案於元年四月間象山南田劃界問題發生後經象山縣屬各區人民及敝會呈請都督暨前省議會力陳分割利害請求照舊合併各等情先後已不下數十起業於是年十二月四號承臨時省議會議決南田舊有區域改設烏司其昌石鎮奠南鄉亦應仍歸舊轄與象山照舊合併等議咨請都督察核公布在案詎石浦少數士紳復敢肆其伎倆捏稱十四萬人民要求緩布此等無名公電視與匿名帖無異固無價值之可言而督都爲慎重起見提交貴議會復議

則此案根本上既經解決今特求其法定手續之完備耳敝會忝爲人民代表當此瓜代未了期間不得不抉陳象南合分利害爲貴議會縷述之按象南劃界問題之發生原始於南田之立縣其以南田爲主體以昌石爲附體固無待言現南田以土地狹小人口寥落既無立縣之必要而猶復移縣治於附體之石浦無怪南田代表葉桐封等陳請亦不願割舊屬象山之昌石奠南併合在內且聲稱移治石浦之極不便利在石浦少數之士紳爲私人計固得矣其如官廳一方面徒歲費二萬餘之國稅何其如人民一方面益歲增無窮之負擔何尤可痛者昌石奠南一經劃分南田縣治又經遷移每於交界之區盜匪利爲窟穴致去冬被劫案件層見疊出而南田與象山幾無一片乾淨土矣不特此也象南人民往往有居住在此而置產於彼者一經分割致抗租之案時有所聞而官廳催科之無可考成從可知矣此特舉其事之大者要者而言其他行政之種種阻碍人民之藉端紛擾者更不勝枚舉分割之有百害而無一利

曷若仍舊合併之爲愈也貴議會爲官廳全局計爲人民幸福計必不至爲石浦少數士紳私人權利計可斷言者若任其長此紛爭伊於胡底追求根本在於南田立縣伏乞一言解決現南田舊有區域改設烏司其昌石南田亦應仍歸舊轄與象山照舊合併免得無謂之競爭則萬民幸甚用再瀝陳利害請求貴議會迅速議決並請咨行都督從速公布施行實爲公感

第一次會議日時 三月二十六日下午二時十分至二十分

建議股提出審查會報告書如左

本股審查象山縣縣議會請石浦仍歸象山南田改設烏司案及葉桐封等請縣治仍移南田案茲將審查結果報告如左

理由 此案雖經臨時省議會議決但事關區域變更問題極爲重要現兩方面仍堅持不下應併案付大會決議以昭慎重

決議 據上述之理由二案應併付大會會議并以象山縣縣議會陳請書爲

議題

審查長將審查結果報告畢由衆議決付議列入議事日程

第二次會議日時 三月二十九日下午三時二十分至四時十分

一讀會 首由丁鎔王廉說明石浦應歸象山南田不必設縣理由復經各議員互相討論對於本案均無反對之意惟於議決問題有主張從速從緩之分表決贊成本案成立者計七十五人多數付法律庶政兩股聯合審查

第三次會議日時

法律庶政兩股提出聯合審查會報告書如左

本股聯合審查報告象山縣縣議會陳請石浦仍歸象山南田改設烏司案茲將審查結果報告如左

理由

(一)南田懸峙海中島嶼羅布土壤膏腴年來生聚成效已彰自應設立專官

從事拓殖况五方雜處盜賊繁多遙隸象山恐難鎮懾而改廳爲縣根據法案
玉環定海彼此相同自應照辦

(二)石浦夙稱富庶較南田新殖民情風俗兩不相同惟交通一端南田一航
可渡象山則有東溪嶺與尖嶺之修阻頗爲未便然昌石奠南爲象山原有區
域既以相安有素可勿變更以免紛擾况南田立縣果能力進經營則商務繁
盛人口增加可操左券亦無分割石浦之必要

決議

南田立縣石浦仍歸象山

審查長報告審查本案理由及決議經衆議員先後討論對於報告書雖間有
反對然贊成者居多數并認定南田實有設縣之必要石浦不能分割之理由
表決贊成審查會報告書者計百零六人多數議決卽本報告書之意咨請民
政長查照施行

(十八)天台縣議會陳請彈劾知事違法案

案查本省議會法定章程第四章第十七條有彈劾行政司法納賄違法之權若吾台知事池文藻其違法病民蠹國有十四大端如訴訟項下之印紙費查浙省訴訟規則第十一條載明須經批准蓋用騎縫木戳未批准者發還彼則無論其准不准概不發還違法一也查第十二條載明凡人民陳訴不論民刑案件均須領用預定狀紙而彼則除請領外概用暫行狀式確可吊核違法二也查第十四條載明各種狀紙定價小洋一角彼則每張征收二角違法三也其濫用庭丁一票或用三四名或用五六名詐索牌費甚於前清並不由承發吏遞送核與第十六條第十七條不符違法四也其濫用法警查司法警察法定一十二名乃敢用至四十名之多並不照章給俸任其向訴訟人橫索無度核與第十八條不合違法五也體刑之有傷人道迭奉部令禁革而乃對於周傳義褚宗車等民事訴訟笞杖動以千計違法六也烟匪充當職務法令之所

不容乃所用庭丁法警半吃鴉片如楊彬等被仲委員拏獲送府發押此其明証他如伊胞兄池伯川同伊戚友多人在署朋吃又同司書潘鶴亭在烟匪袁樹春家私吃被人叱辱衆口譁然違法七也前清胥役民國一律革除乃沿用至今革其名不革其實違法八也糧串改活用版著有定章乃罔上欺民仍用活串征收違法九也地方罰款法當照章榜示照章給單乃到任至今綜計罰款不下六千金匿不宣布違法十也且敢冒領月俸如監獄陳立榦於去歲六月病故參事婁膺於去歲六月回家冒領月俸一至蔡偉接任止一至參事撤銷止其違法十一椽吏陳標自六月退職後並未補委而仍冒領二名月俸違法十二檢驗吏庭丁等項給發不及半俸冒領全數聽向訴訟人擾詐違法十三敝會迭次質問理應遵章答覆乃竟假作朦朧非惟並不答覆抑且任意胡行違法十四如是貪暴違法殃及台民破壞法律民國鼎新豈容此輩以爲官方污敝會雖居監督官廳地位爭奈屢次質問規正並不遵章答覆究亦無如

彼何不已叩請貴會按照定章議決辦理以拯吾台人民於水火除經敝會開
會議決另呈都督外合就備文咨請貴議會察核施行誠爲德便

第一次會議日時 三月二十八日下午一時二十分至三十分

建議股提出審查會報告書如左

本股審查天台縣縣議會陳請彈劾知事違法案茲將審查結果報告如左

理由 官吏違法數見不鮮非實行彈劾不足以飭官方而拯民命此案無論
虛實非付大會會議不可

決議 付大會會議後咨請民政長查辦

審查長報告審查情形并謂目下官吏違法甚多若非嚴行查辦實不足以肅

官方而清吏治經衆贊成本案付議於下次列入議事日程

第二次會議日時 三月二十九日下午四時十分至三十分

一讀會 首由陳鍾祺登壇補說陳請書外該知事之違法事件證明該知事

誣陷良民縱兵滋事亟應嚴行查辦以靖地方後經各議員略加討論均認本案定當成立惟有主張付審查與不付審查兩說表決贊成付審查者計七人少數議決卽照陳請書通過咨請民政長嚴行查辦

(十九)新昌縣縣議會陳請彈劾知事違法逮捕縱警騷擾案

本月六日准澄潭鄉議會議長俞廷贊咨開頃據本會議員沈汝梅親兄景昌呈請汝梅長子達卽榮洲校名桂星犯吃烟嫌疑業經本縣禁烟局調驗無癮在案旋奉司令覆驗章知事飭法警二名公役一名前往傳達再行調驗惟達現已考入浙江監獄學校肄業汝梅據實告知法警該法警大肆詐擾被詐去洋四元次日知事又飭法警八名勒令汝梅卽交達調驗該法警又肆詐擾汝梅卽遣次子益洲以書面投縣聲明請向監獄學校提驗或限日催歸投驗知事卽將聲明之益洲拘押法警以需索不遂在汝梅家不堪騷擾當時經汝梅之甥楊翰汀稟請本鄉警官邢啓周諭解該法警回署捏稟汝梅抗捕知事卽

帶同法警十餘名會合防營四十名如臨大敵而法警趕先至澄將汝梅及其家屬婦女吊打各受重傷并向汝梅之女身上搜取英洋二十元及知事到澄經旁人極力哀懇始將其婦女釋放而汝梅及甥楊翰汀并姪士鑑一同網綁到縣拘禁等情前來據此查犯吃烟嫌疑者沈達現已考入監獄學校肄業如果疑有煙癮儘可向該校提驗或勒限催回投驗何須一再飭警又復會營拘捕并將無辜之家屬婦女橫施非刑民國時代豈宜如此暗無天日據陳前情合亟備由咨請貴會查照設法拯救無任公感此咨等因到會准此查此案童知事奉令警拘亦屬正當辦法惟據咨稱沈汝梅既以長子榮洲就學省校着次子益洲赴縣立限趕驗似不妨稍假時日乃必親率兵警數十名如捕大盜未免迹近騷擾且嫌疑烟犯究屬汝梅之子榮洲其父母家屬及其外甥何辜而乃並遭毆辱又必拘以監禁似此縱警殃民理無可忍准咨前由除電聞並呈民政長查辦外相應咨請貴議會查照省議會議法第十七條備文彈劾盼切

施行

第一次會議日時 三月二十八日下午一時三十分至四十分

建議股提出審查會報告書如左

本股審查新昌縣縣議會請彈劾知事違法逮捕縱警騷擾案及該縣參議會與公民沈汝梅二陳請書茲將審查結果報告如左

理由 以上三案與天台縣縣議會陳請書同

決議 付大會會議咨請查辦并以第一案爲議題

審查長報告畢衆議員對於本案付議無異議定於下次列入議事日程

第二次會議日時 三月二十九日下午四時三十分至五時

一讀會 衆議員先後討論對於陳請書皆極贊成咸謂知事違法甚多未聞

有若是之甚者本會亟應備文咨請民政長將該知事先行停職聽候查辦表決贊成本案無須付審查者計六十一人多數議決即本此意咨請民政長嚴

行查辦

(二十)象山縣縣議會咨稱玉泉場鹽事長佔住縣議會議場請咨民政長電飭遷移案

本年三月十二日准庶務顧文徽函開玉泉場鹽事長沈濱乘兩議長因象南爭縣代表上省突於初三日驅逐管役擅將行李搬入議會場所作灶居住等因前來不勝駭異十三日由杭發電到象請蔡知事派警速遷三日內電覆到省迄今仍無影響竊敝會場所上年五月間公同議決援鄞縣永嘉等縣以官署改作會場例租賃舊協署爲場址計價洋四十元咨請杜前知事立案竟敝會將協署修葺於六月六日遷移居住不料沈濱恃官託勢擅便更張乘_貧等_等晉省陳請際閉會時間欺議會無人用強硬手段驅逐管役擅行佔住橫蠻已極查議場與鹽署均有法定之地點非經法律萬難更動卽有更動之必要亦應雙方妥議咨呈立案斷不能以職權之所在出此違法之行爲况玉泉場設

立已久有案可稽即使坍塌不堪另須擇地則鹽事長應負完全責任與議會毫無干涉乃沈濱自恃官廳勢力蹂躪自治機關推沈濱之心必使一縣之人民權利統圈入鹽事長勢力範圍之內違法害民莫此爲甚查省議會章程第十七條官廳違法議會得彈劾之爲此備文咨請貴議會提前付議公決咨請民政長電飭遷移嚴重查辦肅官方以維自治

第一次會議日時 四月初五日下午一時二十五分至三十分

建議股提出審查會報告書如左

本股審查象山縣議會咨稱玉泉場鹽事長佔住議會議場請咨民政長電飭遷移案特報告如左

查縣議會爲地方自治機關議事場何等重要據稱該縣議會按照鄞縣永嘉等縣以官署改作會場租賃舊協署爲開會場所址計租價洋四十元並修葺完備遷入居住卽非開會期間該機關自應存在乃玉泉場沈鹽事長竟敢驅

逐管役擅行佔住卽懇請速遷仍置不理事果非虛誠屬強橫之至本審查會對於此案應請公決付託審查會審查確實由本會提起彈劾以爲蔑視自治團體者儆

審查長報告審查結果經衆議決付議編入議事日程

第二次會議日時 四月十一日下午一時十五分至三十分

一讀會 衆議員先後出席會議本案首由袁祥蘭說明亟應照章彈劾理由略謂共和國家立法爲最高貴之機關玉泉場鹽官何得用強硬手段霸佔縣議會場所且鹽事長亦屬行政官廳應如何謹守法律爲人民表率乃竟橫暴若此亟應嚴行懲辦以儆效尤云云表決贊成本案成立者計七十七人多數議決付法律股審查

第三次會議日時 五月初七日上午七時四十分至五十分

法律股提出審查會報告書如左

本股審查象山縣議會咨稱玉泉場鹽事長估住議會議場請咨民政長電飭遷移案茲將審查結果報告如左

查象山縣議會於上年五月間租賃舊協署爲場址計價洋四十元曾經咨請杜前知事立案乃玉泉場鹽事長未經雙方妥議擅行估住殊屬不合應由本會咨請民政長轉飭象山縣知事查照成案辦理舊協署讓歸縣議會免致爭執審查會之結果如此請大會公決之

審查長將審查本案情形報告畢衆議員對於審查會主張無異議卽照報告書通過咨請民政長照辦

(二十一) 慈谿縣縣議會陳請裁撤丈亭統捐分局案

我浙自臨時省議會議決統捐局案設立以後各屬屢起衝突臨時省議會鑒於捐率及地點之不適當修正至再至三如第三次開會議決修正浙江省統捐局設立地點表刪去丈亭字樣其摘要欄內且云丈亭距竹山港甚近無設

立分局之必要等語是丈亭無分局已明明規定而省長徇分局長必欲違反議案爭執設立其意何居徵會對於此案不得不呈請裁撤之理由有二敬爲貴議會縷晰陳之

(一)法律上有不得不請其裁撤也查臨時省議會第三次議決案凡關於統捐局者三則(一)修正捐率(二)特別捐率(三)地點表均經頒行又查慈谿縣知事據公民胡美腴等呈訴丈亭分局違章設立並被誣等情請賜批示祇遵由奉財政司批有云第三次省議會議決修正統捐地點案以合之徵收地點窒礙殊多未經都督公布丈亭分卡仍應照舊設立等語如果認爲窒礙當時何不卽窒礙原委事由咨令覆議既不咨覆卽已默認且第三次議決案已於元年十二月頒行凡各衙署機關均經奉到非公布而何又查鄞縣統捐局長郭景汾咨慈谿縣知事文又云一月二十五日奉財政司頒發修正浙江省統捐局設立地點表草案核與議決地點表不符亦並未見有此項草案之公

布案且議決案既於十二月頒行何以遲逾一月反發現此項草案議決案各衙署機關均經奉到此項草案並未奉有明文而司長於第三次議決案頒行後反援據此項草案而廢臨時省議會之議決案是直欲以命令變更法律袒護屬官蹂躪輿論此根據法律不得不請裁撤之理由也

(一)地點上有不得不請其裁撤也查財政司有云丈亭當甬屬之衝凡有甬大江暨內河運入姚江及金衢巖等處貨物均以該處爲歸宿地並非專爲抽收慈貨而設等語查丈亭距甯波八十里距竹山港三十餘里此三十餘里中一直大江並無內河則由甬赴姚之貨甯波之北門局捐之餘姚之竹山港驗之斷無繞越情弊且丈亭係免捐地點慈貨既已免捐何所抽收入姚之貨竹山港可收何必於丈亭贅設一局金衢等處距丈亭有數百里之遙所過局所不知凡幾更不必於丈亭驗收據司批云丈亭當甬屬之衝意似專爲甬屬而言若歸竹山港驗收恐甬屬之捐漏入紹屬此言出於郵局長非無私見出於

司長殊爲不解統捐係全省之捐司長乃全省之長甬紹何分彼此况丈亭向無分局本發生於第二次議決統捐案旋即於第三次議決修正案而裁撤之何卒礙之有且統捐之設爲財政也多一處局所即多一分局費丈亭之東有鄞之北門局過西有竹山港局丈亭不東不西何所謂歸宿與其照舊設立而靡費何如遵章裁撤而節用此根據地點不得不請裁撤之理由也爲此說明理由呈請貴議會議決咨請民政長轉司長援照第三次修正統捐地點表裁撤丈亭分局以符法案而順輿情

第一次會議日時 四月十八日下午四時三十分至四十分
建議股提出審查會報告書如左

本股審查慈谿縣議會議裁撤丈亭統捐分局案特報告如左
查臨時省議會第三次修正統捐局設立地點表已刪去丈亭二字其摘要欄內且云丈亭距竹山港甚近無設立分局之必要今該處尙未裁撤諒官廳必

以第三次修正表未經公布爲藉口但蘭谿統捐局改駐南門嘉善局添設俞匯亦係第三次修正表所規定現改駐添設均已實行似第三次地點表已發生効力卽丈亭分局應在撤銷之例據上述理由故本審查會對於此案應予提交大會請加討論

審查長報告審查情形經衆討論表決贊成本案付議者計四十六人多數遂決定付議

第二次會議日時 四月二十四日下午四時三十分至五十分

一讀會 衆議員對於陳請書大體討論均屬贊成有謂蘭谿南門嘉善俞匯之設分局若不違背法律則慈谿丈亭之設分局當然爲違背法律應迅卽裁撤以符法案表決贊成本案成立者計五十四人多數議決付財政股審查

第三次會議日時 五月初二日下午二時三十分至三時

財政股提出審查會報告書如左

本股審查慈谿縣議會請裁撤丈亭統捐分局案茲將審查結果報告如左
查丈亭距甯波八十里距竹山港三十餘里此三十餘里中一直大江並無內
河則由甬赴姚之貨甯波之北門局捐之餘姚之竹山港驗之斷無繞越情弊
且丈亭係統捐地點慈貨既已免捐何所抽收入姚之貨竹山港可收何必於
丈亭贅設一局金衢等處距丈亭有數百里之遙所過局所不知凡幾更不必
於丈亭驗收是丈亭分局之應裁撤決無疑義本審查會結果如此仍請大會
公決

審查長說明審查本案理由畢後有王廉申說丈亭分局應行裁撤之理由略
謂丈亭分局應否設立當從地點上觀察前清抽捐助餉齎卡林立而丈亭地
方皆未聞有所設立則地點上之無須設立概可想見若是丈亭分局急應裁
撤以蘇民困經衆議決照報告書通過咨請民政長查照施行

(二十二)麗水縣縣議會議決準備金用途案

三月八日案准麗水縣知事李呈奉財政司長令開碧湖分署長蒯良撫恤金及修理知事衙署調查兵要地理各費准由縣稅一成準備金內開支仰卽商明縣議會各等因備文咨請議決前來奉此 敬會曾經開會集議僉以是項準備金非由省稅抽出由地方稅一成抽出推原性質當仍作地方行政上之用不當作國家行政上之用應呈請督司取消前令或咨請省議會議決等因案關法令應否取消前令之處理合備文咨請省議會諸公議決施行

第一次會議日時 四月二十日下午三時五十分至四時

建議股提出審查會報告書如左

本股審查麗水縣議會請解決準備金用途案特報告如左

查官廳支配縣稅業由臨時省議會咨請取消至今雖未實行而此項準備金究由縣稅抽出自應作地方行政之用來咨稱該縣知事呈奉財政司長令開碧湖分署長撫恤金及修理知事衙署調查兵要地理各費均由準備金內開

支以縣稅而移作國家行政之用究竟有無此等辦法請大會討論

審查長報告審查本案情形經衆議決將本案付議列入議事日程

第二次會議日時 四月二十五日下午一時十分至五十分

一讀會 衆議員先後出席會議本案一再討論雖間有主張此事應由本會解決然多數均謂支配準備金原屬於縣議會之權本會可不必代行議決且財政司令文亦係飭該縣知事商明該會辦理該會直可按照法律以否決之末復由秦炳漢倡議以準備金用途係官廳一種計畫並非強使縣議會承認且撫恤金及修理衙署等費純係國家行政當由國稅開支本會可照此意備文咨覆該會自行議決表決贊成本案成立者計五十六人多數議決不付審查卽照秦炳漢之議咨覆該會查照

四月二十九日會議餘杭縣參議會陳請公決準備金用途一案經衆議決照麗水案辦法備文咨覆該會茲不再述(附誌)

(二十二) 淳安縣縣議會陳述地丁滯納處分暫行法實行之困難案

案查浙江臨時省議會二次修正地丁滯納處分暫行法載明五條細釋原文殊於執行大有妨礙第一條爲縣知事對於滯納各戶有催傳之期限第二條上忙自截征之日起立限五十日下忙自截征之日起立限三十日爲縣知事執行催傳業戶之時間第三條前條規定期間執行催傳後仍未完納者得行科罰科罰分兩項一本年上半年上忙應完之地丁至催傳期限扣滿後仍未完納者照原應完納之數加十分之一處罰二本年下半年下忙應完之地丁至催傳期限扣滿後仍未完納者照原應完納之數加十分之二處罰以上各節前三條重在催傳期間而上忙有五十日限下忙祇三十日限均於截征後起限不知上下兩忙在一年之內中間五十日上忙雖經截止下忙自必開征若令到縣署投納締欠錢糧又須赴櫃完納正課兩處奔波殊多不便路遠者尤屬爲難元年下忙截征至二年開征是兩年換度之時中間三十日無論淳安已隔兩月適

植前後知事交替延擱至今不能照辦即使照章前知事若何催傳未聞明白
宣告新知事復執省令亦屬難行至科罰一節上忙應完到催傳期限扣滿後
仍未完照應完數加十之一下忙應完到限滿未完照數加十之二倘上忙已
完祇欠下忙者亦一律處加二罰則是上忙未完者較爲便宜完過者反多受
害此等處罰較之前數條尤爲失當不獨語涉含糊實屬情理不合四五二條
則官廳視爲具文地方更何從置喙總核原文是有意使人民處於受罰之地
予官廳以利用之途敝會正在核議之際復據公民方品三洪疇等聯名陳請
亦以此項科罰萬難實行等情到會用特別具情由咨行貴會請煩查照公同
議決核覆施行

第二次會議日時 四月二十五日下午三時二十分至三十分
建議股提出審查會報告書如左

本股審查淳安縣議會陳述地丁滯納處分暫行法實行之困難案特報告如

左

查修正地丁滯納處分暫行法第二條上忙自截征之日起立限五十日下忙自截征之日起立限三十日似於規定時間有不平均之處淳安縣議會所陳困難情形亦以此爲藉口事關法案應付大會公決

審查長報告畢衆贊成本案付議編入議事日程

第二次會議日時 四月三十日下午三時五十分至四時十分

一讀會 衆議員先後討論對於期限罰則均謂原案所規定甚失平允亟應修正以蘇民困於本案成立無異議議決付法律股審查

第三次會議日時 五月初七日上午七時三十分至八時

法律股提出審查會報告書及孫棣三等意見書如左

本股審查淳安縣議會陳述地丁滯納處分暫行法實行之困難案茲將審查結果報告如左

查地丁滯納處分法上下忙之立限不同而處罰有輕重之別限長者罰反輕限短者罰反重立法殊欠平允且上忙應完納之銀至下忙期間仍未完納者如何處罰無明文規定立法又欠明瞭淳安縣議會所陳述確有見解審查會中詳加討論僉謂農民之收入多在年終故地丁之滯納處分寬於上忙而嚴於下忙參酌事實以從法案用意亦甚周密惟上忙銀至下忙仍未完納者如何處罰應以明文規定免生疑義經多數決定將地丁滯納處分法第三條第二項修正如後

(一)本年上半年應完之地丁至催傳期限扣滿後仍未完納者照原應完納之數加十分之一處罰如過下忙催傳期限仍未完納者加十分之二處罰

孫棣三等意見書

理由

查淳安縣議會咨稱地丁滯納處分暫行法載明五條細釋原文殊於執行大

有妨礙其對於此項暫行法攻點尤烈之條文一爲第二條縣知事執行催傳之期間上忙自截征之日起立限五十日下忙自截征之日起立限三十日二爲第三條催傳期限扣滿後仍未完納者上忙加十分之一處罰下忙加十分之二處罰同一忙銀何以期限罰則長短輕重有如是之懸殊若如上忙地丁至經過下忙催傳期限扣滿仍未完納者則合併加重處罰十分之二原不爲苛倘上忙已完祇欠下忙者亦一律加二處罰則是上忙未完者較爲便宜已完者反多受害此等處罰較之第二條之期限長短尤爲失當不獨語涉含糊實屬不合情理等云此次審查到會各股員均主張由本審查會提出修正案無如討論結果僅於第三條二項下加一附項規定本年上半年上忙地丁如經過下忙地丁催傳期限扣滿未完者照應完納之數加十分之二處罰查此結果與淳安縣議會所咨稱不合情理之處並未一爲改正祇於此項暫行法全體條文中加一補充的規定於第二條之期限第三條上下忙滯納之加罰實未計

及故棣三等當於表決之時實以期以爲不可爰照本議會暫行議事細則第二十四條之規定提出意見書如左

棣三等以立法愈求其平則人民遵守力愈昭如立法精神前後異轍且於條文字句含混未明不但實行良難則遵守力亦必因之減少况立法要旨不妨失之嚴苛不可失之不平此項地丁滯納處分暫行法淳安縣議會既經聲明不公平前來未便泥守舊法悉置不理不加修正也故棣三等意見此項滯納處分期限罰則務宜一律或嚴或寬當從多數棣三等未敢擅定也上項意見務請議長附付大會報告以便公決無任企盼

審查長報告審查本案情形及修正原案第三條第二項之理由畢經衆討論反對贊成各執一說表決贊成修正案者計二十九人少數贊成意見書者計二十二人少數旋由吳文禧提議請按照議事細則第二百零七條辦理遂議決指定特務審查員王嘉謨等十三人另行起草提交大會會議

第四次會議日時 五月初八日下午一時三十分至二時

特務審查會提出審查報告書如左

查地丁滯納處分法上下忙立限之長短處罰之輕重尙爲平允唯第三條附項上下忙處罰均嫌太重而事實上又往往上忙地丁延至下忙尙未完納者不能與下忙滯納地丁同一處罰爰爲修正如左

(一) 本年上半年應完之地丁至催傳期限扣滿後仍未完納者照原應完納之數加二十分之一處罰

(二) 本年上半年忙滯納之地丁如過下忙催傳期限仍未完納者加十分之二處罰

(三) 本年下半年應完之地丁至催傳期限扣滿後仍未完納者照原應完納之數加十分之一處罰

二讀會 首由毛雲鵬報告將原案修正理由經衆討論議決即開二讀其結

果(第二項)可決秦炳漢動議將十分之二改爲十分之一餘均可決特務審查會修正案全文通過衆認爲無疑義省略三讀卽咨民政長查照施行

(二十四)平湖縣城鎮鄉自治聯合會陳請轉咨民政長令飭該知事遵照縣議會決議案將抵補金附捐悉充自治經費案

請議事實

杭嘉湖舊府屬向有漕南名目上年財政部通電經院議決向徵一斗者徵大洋三角又電另徵附捐一角應否帶征交議公決由司令行平湖縣知事鄒丙華轉咨平湖縣議會去後旋據縣議會議決咨復內稱此項附捐爲城鎮鄉自治經費收入大宗而目前城鎮鄉自治職權內應辦之事甚多因經費支絀無可舉辦以致自治進行多所阻礙現在此項附捐部特飭議帶徵一角未始不因乎此而於人民負擔一方面核計之較諸從前減輕已屬不少準情酌理不致有賦重之嫌自應遵部飭議每斗帶徵一角以示限制等由備文覆縣咸知

此項附捐爲城鎮鄉自治而徵人民踴躍輸將毫無間言理應發交城鎮鄉各區自治會動用以符議案奈迭次請領均不照准故於四月一日在城區議會開城鎮鄉自治議會聯合大會請將已徵之款先行給領以便秉公均派等情嗣於四月八日接到縣公署第十六號公函內開此項附捐前遵省令飭交縣議會議決並據各自治會紛請撥充自治經費先後咨交縣議會併案核議在案據呈前情仍候縣議會議決到縣轉呈民政長核定指令下縣再行遵辦等因

請議理由

城鎮鄉自治經費素無大宗附捐專恃固有之公款公產及零星雜捐本已入不敷出光復後民困未蘇收數短絀而地丁附加指歸縣稅雖酌撥城鎮鄉學款爲數無多不特未辦之事難期興舉卽已辦之事亦將墮落危殆情形莫可言喻故縣議會毅然決然議徵附捐一角覆文中言明爲城鎮鄉自治經費而

收人民認定爲城鎮鄉自治經費而納該知事應悉數給領無所用其遲疑奈以省令有專辦三大工廠爲藉口殊不知徵收附捐必得官廳之許可征收之款如何處理係議會之特權若由官廳越俎代定直以議會爲贅瘤卽極專制之國既號稱自治亦無此種政策此按諸法理無討論之價值况抵補金附加各縣並不一律征收有不加者有僅加三分者是義務既不公平安能合建公工廠此按諸事實亦無討論之價值該知事非不知三大工廠之令當然無效而其措發之本旨欲懲惡縣議會覆議取消前案變附捐爲縣稅或酌撥城鎮鄉若干抑知未徵之前固可變更既征之後不能動移蓋失信於前必難取信乎後所謂南山可移鐵案不能動也雖然縣自治與城鎮鄉同辦地方公益何必過分畛域示人以不廣者哉而敝會等之不能已於言者一則爲尊重意思機關斷不容官吏任意破壞議案二則各區經費困難已達極點若無大宗入款勢將傾覆不可收拾且其特殊之異點在城鎮鄉自治知事僅居監督地位

在縣自治知事爲執行機關權自我操人爲我用至城鎮鄉之經費如何非所計焉以上所陳理由在表面觀之不過一邑之公款問題以實際論之官吏侵議會之權杜漸防微不得不亟請貴會之維持救正焉
請議目的

(一)轉咨民政長指令平湖縣知事將所徵附捐遵照縣會原議決案悉歸城鎮鄉自治經費

(二)速將已徵附捐發給城鎮鄉各區自治會由各議會聯合會議秉公勻派
(三)無論何項要政不得在附捐內挪用

以上各節理合備文咨請貴議會察核付議表決施行

第一次會議日時 五月初七日下午一時十分至二十分

建議股提出審查會報告書如左

本股審查平湖縣城鎮鄉自治聯合會陳請轉咨民政長令飭該縣知事遵照

縣議會議決案將抵補金附捐悉充自治經費議案特報告如左

查此項附捐業經該縣知事咨由縣議會議決帶征咨覆文內已指明充作城鎮鄉自治經費自應遵照原案辦理乃該知事於既征之後復以省令有專辦三大工廠爲藉口措不給發並函稱候縣議會議決到縣轉呈民政長核定指令下縣再行遵辦云云與來咨所稱縣議業已議決咨覆實行征收情節互異且查本省縣自治章程縣知事應辦事件祇執行縣議會或參議會議決各案並無須轉呈民政長核定指令下縣再行遵辦之規定况三大工廠省令須由各縣合建而此項附捐有加一角者有僅加三分者並有不加一文者若以之合建工廠殊不平允此案可否准予轉咨民政長令飭該知事遵照原案辦理請大會決之

審查長報告審查結果衆議員對於本案付議無異議旋復議決省略讀會照陳請書通過即咨民政長轉飭該知事遵照辦理

(二十五)嘉善縣縣議會陳請提議糾參袁知事違法瀆職議案

案照善邑縣有公款公產曾經敝會於去年九月二十三日將向歸全縣公有不分屬於城鎮鄉之同育公所公產遵照縣自治章程第七十二條議決爲縣自治經費當即咨明縣知事在案旋於十二月十八日由縣知事提交參議會審查決定無異縣知事自應依法管理現值敝會第二屆常會期間經議員薛廣颺等臨時動議謂同育公所公田被該公所擅自變賣等語大會公決即付審查茲據審查員報告該公所確於本年三月間將本邑永七區北源圩田二畝七分擅自變賣於錢姓已由該公所呈縣備案等情並抄錄案卷到會當再付議經衆察核原呈縣知事竟有如呈備案之批全體駭異僉稱縣自治章程第五十二條第三款縣知事有管理財產及營造物之責此項縣公產早經審定縣知事非惟不加保守甚至違法批准乃使該公所得以擅賣是縣知事之違法瀆職無可諱言假令習非成是視議案爲具文自治前途何堪設想縣議

會本爲法定機關自應遵守法權不敢放棄公同議決咨請貴議會察核准予提議糾參以懲違法自治幸甚

第一次會議日時 五月初八日下午二時五十分至三時

建議股提出審查會報告書如左

本股審查嘉善縣議會陳請提議糾參袁知事違法瀆職案特報告如左

查此案關係公款公產自應歸自治團體議決處理該知事擅自批准殊屬不合應否咨請民政長令飭嘉善縣知事將此案咨交縣議會議決辦理應請大會公決

審查長報告畢衆議以本日已閉會此案可省略讀會照陳請書通過咨請民政長轉飭遵照

(二十六)吳興縣城區董事會總董俞宗濂咨請解釋議員可否兼任自治委員案

本年三月二十九
本知事呈請民政
十八日呈稱自治
自治事宜倘得兼
即知照此令等因
奉都督兼民政長
不發司令等因曾
奉到民政司長三
文係因現充城區
請批示非因現充
未涉及董事一語
而縣知事實未據

十一日所發第二次乃三月十三日所發此兩次呈文究竟縣知事曾否據以轉呈抑均捺攔不轉如有違礙不便轉呈之處亦宜照復飭爲修改似無遽行捺攔之理城區議員缺額甚多已至不能開會而縣知事又將議長議員等迭加委任爲自治委員是缺額之餘又令缺額其於自治進行實多窒礙是以宗濂有前此兩呈未識因何捺攔不轉當於三月三十一日備文呈請縣知事詳細見復去後業經多日並無一字置復宗濂復向縣署第一科查閱原卷乃知縣知事所呈僅寥寥數語而於宗濂所呈情節悉未叙及又所謂民政司長令者係實民政長之令不知何以致誤若此查縣自治委員能否兼任城鎮鄉議會職員章程既未規定應由立法機關續加核定而城區議會議長議員等迭經縣知事委任爲自治委員致令議員缺額之餘又復缺額於自治進行實多窒礙宗濂既有所見不得不將其情節陳明咨請貴會提議公決咨由民政長公布施行實爲公便

第一次會議日時 五月初七日上午十一時十分至四十分

建議股提出審查會報告書如左

本股審查吳興城區董事會總董俞宗濂咨請解釋議員可否兼任自治委員案特報告如左

查臨時省議會議決浙江省修訂縣自治章程第六十四條自治委員非經議會或參議會之保證不得任用依法解釋之則此項自治委員當然不能兼任議員惟法律無明文之規定應請大會公決之

審查長報告畢衆議員對於本案付議無異議旋即討論城鎮鄉議會議員與縣自治委員不能兼任議決咨請民政長查照施行

(二十七) 常山縣商務分會陳請撤消西門外及招賢二處統捐分局案

案據人民林庚堂等具投說帖聲稱常開統捐局分局地點經臨時省議會第三次修正統捐局設立地點表統局一縣城分局一華埠其摘要曰西門內設

局東門外又有巡船則西門外及招賢兩局不必再設云云既無虧於公款又適便夫商民雖今國稅未定是亦維平維允之建設合夫共和寬大之政體也乃常開統捐局長黃又望任事以來竭力誅求捐數生色記功一次久慶上級用人之得當而該局長尙未盡其報效之心燬鍊周內必求恢復西門招賢兩局一如前清之竭澤而漁置民生困苦於不顧查現設西門分局離統局僅半里之遙該處雖控扼江西入浙陸道之要乃長途貨物必有捐始能放行此固無庸追述者也現所得逞稽征之效果者無非肩挑小販每担收銅元數枚至十數枚不等其涓滴歸公與否卻不可知而小民之滯留困難公役之威喝逼勒固昭昭矣招賢離常城四十里毗連衢縣前清設卡在此原爲補捐起見民國既改爲統捐是起驗報足無事再補卽聞有貨單不符者漏出常局斷難通衢局似此既撤復設於公家收入有限於商民受累非淺法律命令迭相爲用竊爲民國前途危總之常山東西兩路一水一陸爲全浙之首尾凡往來貨物

水運則始於常陸運則終於常所經腹地無捐不能通行此外所可張羅者土產近銷或稍取以黍累特恐公家之款未長私橐之充已滿爲此備陳下意伏乞會議轉陳省議會核奪等因到會當經敝會卽日開會公同討論委係實在情形爲此謹據約法第十六條陳請貴會協議公決轉咨都督卽請撤消西門外及招賢兩分局以符法案實爲公便

第一次會議日時 四月二十五日下午三時十分至二十分

建議股提出審查會報告書如左

本股審查常山商務分會陳請撤消西門外及招賢二處統捐分局案特報告如左

查本會第二次臨時會議決統捐局設立地點表業已公布而常開統捐局分局地點祇有華埠一處該局長不遵法案添設西門及招賢二處分局實屬違法舉動常山商務分會所陳各節應付大會公決

審查長將本案應付大會會議理由報告畢衆議員對於審查報告無異議即決定付議於下次列入議事日程

第二次會議日時 四月三十日下午二時五分至三十分

一讀會 首由徐仲偉根據去年臨時議會議決統捐分局地點表申明西門外及招賢二處並無設立分局之規定且從事實上觀察二處亦無設立分局之必要嗣經各議員討論對於本案成立均無異議議決卽照陳請書通過咨行民政長請裁撤二處統捐分局

五月初五日民政長對於本議決案備述異議理由咨交覆議茲錄覆議文如左

前准貴議會徐議員等備書質問業由本公署以常開地方實與鄰省毗連不能不格外注意西門外爲贛貨入口要道招賢又爲浙貨出口之通衢此兩處不設分局出入各貨漏越堪虞所以主張復設分局者實因執行機關有所窒

礙不得不斟酌變更求其確當爲公家徵收完密起見實則爲商民平均負擔起見若責良商以負擔仍爲奸商留繞越之途似非完全辦法既爲事實上免除障礙則斷非任意更張故違法案可比等語彙案咨復在案果其撤局於捐款無所出入何必增此贅摺之局乃查攷形勢既爲設局必要之點自不能遽予撤銷卽如去冬徐恒川等過儼行由玉山直將夏布繞越三里灘之類已可概見查光復後該局於元年三月間開辦至七月間四個月有餘收捐至四萬餘元自西門招賢兩分局裁撤後至十二月份止計五個月有餘僅收二萬餘元雖收數有旺淡而驟然跌落當不致如此之速之鉅其受該分局裁撤之影響可爲鐵證總之該兩分局之復設所收同此一捐於良商負擔毫無增重似不應因不使商人之繞越重行裁撤准咨前因相應備述異議理由咨覆貴會查照覆議

第三次會議日時 五月初六日下午四時五十分至六時

衆議員對於覆議案均認爲二處設立分局實違背法案且於事實上亦屬窒礙難行議決仍執前議咨覆民政長查照施行

二十八 嘉善縣商務分會請糾正嘉善西門外及俞匯荻灶三處分局案

竊分會前以嘉善縣西門外及俞匯荻灶三處地方先後租屋設船將加統捐分局殊與議案違背電請糾正旋蒙貴會議決咨請民政長查照第二次臨時省議會議案辦理迅令將各該分局撤銷在案茲閱報載行政公署咨復公文殊深惶駭查臨時約法第十三條人民依法律有納稅之義務統捐局設立地點既係法案之一種設有變更自無不由議會議決之理但憑一紙照會發生法律上之効力人民恃何保障若謂統捐已屬國稅應遵照中央命令提交國會議決則未劃分以前違法之舉動可以不負責任殊亦無以對人民且查嘉善統捐局開始曾經依照公布之議決案於縣治東門外及西塘楓涇三處就地設立去年十二月間突於固有之統捐局外向西門外地方租屋設船攬收

捐稅迄今愈匯荻灶相繼發生併蒙貴會咨請撤銷而復文中並未提及西門外三字尤滋疑竇分會對於此種咨復案件絕無參加未議之權惟是共和國民對於法案之關係同負維持義務忝握商籌理無緘默爲此具文陳請貴會查照前情准予提列議程繼續糾正以維法案而蘇商困

第一次會議日時 四月二十五日下午三時二十分至三十分

建議股提出審查會報告書如左

本股審查嘉善商務分會請糾正嘉善西門外及兪滙荻灶三處分局案特報告如左

查本會第二次臨時會議決統捐局設立地點表嘉善統捐局分局地點祇有西塘楓涇二處該局長不遵法案添設西門外及兪滙荻灶三處分局實屬違法所請糾正之處應付大會公決

審查長報告畢衆贊成付議復由胡文禎動議請將報告書卽作第一讀會通

過衆贊成議決照審查報告之意咨行民政長查照施行

湖北省議會

(戊)公民陳請

(二十九)湯壽潛等續請建設朱舜水先生專祠案

按先生諱之瑜字魯嶼別字舜水明季餘姚人少志經世明社既屋猶誓恢復偕馮京第乞師日本脫陳錦之逼隨張慎言於舟山兵入長江克瓜洲下鎮江皆親歷行間事敗乃逼歷南洋各島察興復之勢以爲安南舊藩暹羅屬國可以集事而卒無其會乃絕意故土終老東瀛德川幕府備極宗仰築館授粲事以師禮其學說演於日本至今未沫有文集二十八卷安東守約源綱條序而刻之近稻葉君山又有排印本其行事散見於炳燭齋逸士傳思復堂遺民傳餘姚縣志朱衍緒所爲家傳並上年九月錢恂所具陳請書蒙前議會議決建二水先生合祠在案查兩先生乃心明室不朽者三其揆若一方諸張許同寵原非老韓同傳第念蒼水先生久立南屏之祠宇而舜水先生尤繫東國之觀瞻今合祠之辦法尙懸獨立之專祠蓋闕不特無以勸來者亦愧無以對友邦

况彼土知尊其說而成中興我國益重其道而諗後學先生名在日本志在中華故物則原璧將歸琴劍猶存必有庫而珍藏得所遺櫬則前和早謁衣冠可墓必設墓而靈爽式憑若庫與墓非祠焉附使執合祠之成案轉恐附屬之參差聞彭庵已改祀明吾浙先賢則以二水先生俎豆其中於成案並無不符於經費尤資撙節另擇善地以構舜水先生專祠庶琴劍之庫衣冠之墓均可附庸就近海外衍陽明學派但推心理爲大同門徒開明治維新始見讀書之有用東浙新火南豐瓣香爲此提案續請貴會決議咨達有司特建舜水先生專祠以彰潛德而奉典型再前議改西湖之白雲菴爲二水先生祠其住僧並未承認其鄰地迄未回函雖委專員一無籌措合併聲明

第一次會議日時 四月初二日下午三時十分至二十分

建議股提出審查會報告書如左

本股審查湯壽潛等請建設朱舜水先生專祀案特報告如左

案舜水先生心跡學術均堪不朽上年九月間錢恂等陳請建祠業經臨時省議會議決建二水先生合祠在案但原案議以西湖之白雲菴改建現該菴住僧尙未承認會委專員事未實行查張蒼水先生已於南屏建有專祠而舜水先生祠宇尙付闕如誠屬憾事故本審查會對於此項陳請書認爲應行提議之件至另建專祠或仍照前案之處還請公決

審查長報告畢經衆贊成付議決於下次列入議事日程

第二次會議日時 四月初三日下午一時至二時

一 讀會 衆議員先後討論有謂舜水先生道學卓絕是宜設祠以表揚之但去年臨時省議會已議決將白雲菴改設二水先生合祠現本省財政甚形支絀若另建專祠非動用巨款不可故不若仍照前次議決案咨催官廳實行爲愈有謂舜水先生資志以沒日人且祀之今祖國重輝豈容不設專祠且先生學術陽明若欲昌明學術以挽回末俗而樹爲宗風亦非將舜水先生特建專

祠不可表決贊成付審查者九十七人多數付庶政股審查

第三次會議日時 四月初十日下午四時至五時

庶政股提出審查會報告書如左

本股審查湯壽潛等續請建設朱舜水先生專祠案茲將審查結果報告如左
理由

查崇祀典禮非徒爲崇德報功表揚先澤起見實所以詔示來茲使後人徘徊瞻仰起高山嚮往之心朱先生遭時不偶僑寄海疆十年飲恨負包胥復楚之心萬里遯荒誓夷齊恥周之節廉頑立懦光啓新民實非尋常功業可比吾浙爲先生桑梓之邦現在湖山光復初願已償俎豆瓣香義不容緩臨時議會有二水先生合祠之議雖亦同此闡揚不朽之意尙未足表圭璋特達之光且二先生取義成仁雖爲一致而量功比跡微有不同故本會以爲朱祠宜以專立爲正當試言其理由如左

(一)三代下狃於訓詁楛於詞章行與言忤斯道以亡先生宗陽明知行合一之說躬行實踐獨紹宗傳日本沐其化澤遂以啓國當世道淪夷人心橫決之時允宜提倡宗風俾資感發此就昌明學術論朱祠應專立之理由一也

(二)朱先生在東瀛其道大行東人爲之建立專祠報禮極爲隆重飲水思源尚知所本而吾國爲先生精誠所系吾浙爲先生生長之區反以尋常祀典處之不惟無以聯友邦亦將何以耀鄰國此就鄭重外交論朱祠應專立之理由二也

(三)日本於先生遺留舊物皆立專庫貯之聞現在均有允還吾國之意自須拓地珍藏不有專祠庫將焉附此就現在事實論朱祠應專立之理由三也
決議

朱舜水先生應在西湖設立專祠廟貌須莊嚴地址須寬拓如乏相當舊宇可改建則由行政官廳擇地興築之

審查長申說報告書理由及決議衆議員對於審查報告甚爲反對再三討論均主張照前次議決案辦理卽議決本此意咨催官廳速行核辦

(二十)南田縣代表葉桐封等陳請撤銷南田清丈局案

查南田立縣原以殖民民之享有產權由來亦久自前清光緒四年招民開墾至七年間所有田地山場一律丈清分別租則升科完糧卽有戶冊旋卽定案迄今三十餘年照章完納均有給執糧單歷辦無異去年豁免令下南田照舊徵收遂以國有之名呈請再行清丈府司不察據呈立案現奉設局清丈并令繳價升科合縣驚惶莫知所措曾經聲叙呈請無效伏念茲事體大又關公共利害敢將種種妨礙亟應撤銷之處縷析陳之查浙省地土惟屯牧營衛純係國有性質例應繳價此外未墾荒地雖有繳價辦法曾經貴會議決曾奉府司通令見之二月十三日全浙公報然非南田之已墾田地有冊有糧者所可比例況內開已熟報荒以多報少均令援引登記法第五條二項辦理則南田或

有此弊當然一律遵行未便獨異一也清丈田畝藉清田賦原爲民國之要政然係直省辦法又屬議員範圍無論南田未便猝行卽浙省亦難驟舉况南田徵收有冊完納有單冊載科則畝分字號姓氏又及明晰前今完納又與本省地丁征收法第一條無稍違背若果清丈繳價歷年案據概置不論則人民何以服從二也人民享有產權爲中外之通例本省約法第五條三項亦明載之况南田人民得此產權尤非易事竭數十年開墾之工力費數十萬圈築之資本又各經官許可允民完糧管業一旦指爲國有再行清丈繳價升科則同盡數十年納稅之義務不克享民國共同之幸福非獨通省無此法案卽東西各國亦斷然無此公理三也閱本月十四日民鐸報所載清查國有地產開列各項名目詳明各項性質按之南田毫不相涉此次清丈繳價仍照國有辦理揆厥原因固爲呈報之誤然黏呈冊單執照顯與不符則虛實已明似難偏聽若將錯就錯防口甚於防川若以官護官家哭何如路哭事實上萬無可行未便

以先入爲主四也清丈辦法應在貴議會範圍清丈經費應在自治會範圍應否繳價以曾否升科爲衡已未升科以有無納稅爲斷南田早經清丈升科則繳價爲難承認就令續行清丈亦應經過議會之手續官治自治權限攸分似未便混以爲一五也現屆農時民無暇日荳麥滿地播種滿田清丈事宜實在無從着手徒糜局用徒益張皇此理甚明當共諒之況南田移治石浦戶口銳減羣懷廢棄之疑若奪產權再行清丈繳價民失所恃能不灰心六也要之南田立縣重在殖民就令事事完美在在體恤以定海玉環相比例務臻發達之期然較之各國得一殖民地若何注重若何優待亦已遜一籌矣况一波未平一彼又起不及一年風潮迭見割併案早經否決縣治尙未移回清丈局適屆農時實行之令已下呼籲無路民何以堪貴會爲立法機關諸公爲人民代表對於妨害農事剝奪產權之舉當蒙體恤立予維持謹具理由照章陳請仰祈貴議會提作議案迅賜公決咨准撤銷不勝翹切之至

第一次會議日時 四月初五日下午一時五十分至二時
建議股提出審查會報告書如左

本股審查南田代表葉桐封等陳請撤消南田清丈局案特報告如左

查南田一島自前清光緒四年招民開墾迄今三十餘年前曾設有墾務局令各墾戶繳納官租至光緒七年舉行清丈按照玉環舊章改租爲糧按則升科給與戶冊察閱該代表附抄糧單確鑿可憑據稱府司偏聽該縣知事呈詞設局清丈並令繳價升科以承糧數十年之產忽令繳價既恐激變尤以殖民政策有妨該代表等所陳六大理由本審查會認爲非常充分但官廳設立清丈局是否迫令追繳以墾地價抑係爲將來墾荒辦法本會無案可稽應請大會議決付託庶政審查股吊齊案卷詳細審查權衡利害務使國家人民兩方面胥得其平方爲正當解決審查結果如此請大會公決之

審查長報告本案應付會議理由畢衆議員對於審查報告無異議遂決定付

議編入議事日程

第二次會議日時 四月十一日下午二時十分至三時

一讀會 衆議員與政務委員互相討論議員則注重凡已清丈之區不應重行清丈以擾民政務委員則表明設局清丈係官廳整頓南田規畫進行之良策表決贊成本案成立者計六十七人多數議決付庶政股審查

第三次會議日時 四月二十九日下午三時五十分至四時二十分

庶政股提出審查會報告書如左

本股審查南田代表葉桐封等陳請撤銷清丈局案茲將審查結果報告如左
查南田新殖未經清丈經界不正賦稅不均雖改租爲糧行之有日而非根本之辦法惟春夏之交急於進行恐擾農事特派委員又耗經費因參酌該地情形議決清丈局不應撤銷但須歸縣督辦不得另派委員至到地丈量宜俟農隙時行之

首由政務委員重申設局理由略爲南田開縣伊始經界雜亂賦稅未均清丈之舉勢不容緩若將該局撤銷實於規畫全南計畫有礙云云但衆議以南田縣治仍在原處清丈之事實可由該縣知事兼管可不必另行設局徒擾農民而耗經費經衆議決照報告書通過卽本此意咨請民政長查照施行

(三十一)周景濂等陳請彈劾瑞安縣知事違法案

竊^做縣知事金熙違法殃民劣跡種種^{景濂}等小民不堪其虐茲特臚列該知事罪狀九條陳之貴會貴會爲人民代表有監督官廳之權敢乞俯念民生疾苦迅賜遵章彈劾以拯水火而警貪殘不勝迫切待命之至

(一)藉禁敲索 該知事率兵下鄉禁烟到地如張一鵬許一龍省議會衆議院初選當選人也而逮繫之不許到復選監督處投票矣徐來集廣鎮自治董事也單冀清茅山鄉鄉董也而封其房屋懸賞購拿矣王福申參議會議員也而毀其房屋並索其二千元罰金矣王阿秀富人也而拘留之數月不放矣徐

來英羅陽鎮禁烟局董也而下之囹圄之中矣他如芳山鄉副議長陳兆東被敲去三百五十元孫貽豫被敲去一千三百元洪咨軒被敲去七百元以上諸人皆並無種烟亦非犯罪該知事艷其財而嫁之禍匹夫無罪懷璧其罪古人不我欺也此該知事之罪狀一

(二)重徵橫斂 該知事徵收錢糧大都額外苛索小民受其魚肉無可控告旋有城紳唐闔查出重徵浮斂數戶具稟黏呈庫串向都督財政司控告奉批澈查在案此該知事之罪狀二

(三)受賄枉殺 該知事枉殺不一而足如趙卿洽朱廷義趙林生等本無實在罪狀該知事捏造證據捏造供詞用黑暗專制手段硬置之於死地此路溫舒所謂鍛鍊者衆文致之罪明也此該知事之罪狀三

(四)兇橫不法 該知事粗橫成性士紳普謁商議公事一言不合動輒拍案謾罵法警僕役一事不合即遭毆打去歲三月被酒用小六門洋鎗擊傷厨役

十一月省議會初選在投票所毆打選民胡贊颺輕舉妄動野蠻成性此該知事之罪狀四

(五)冒報肥私 去歲二月臨時省議會議決各縣編制額設參事一名掾史二名而民政財政教育三科設科長三名科員四名執法科設執法官二人該知事到任後不設參事掾史者有五個月之久自二月至九月執法官祇有一人自四月至八月民政財政教育三科祇有科員三人本年一二三三月參事及民政教育科員均缺額掾史亦祇有一人該知事均照規定編制報銷卽此一端計所侵蝕者已有一千七百元之譜其他不問可知此該知事之罪狀五

(六)抗違省令 該知事不遵上官命令擅將省議會議院選舉費減削入己辦事公費斬而不給當選人旅費川資每人祇給一元藉口本邑財政支絀以爲侵蝕之地此該知事之罪狀六

(七)任用私人 該知事用其私人崔適爲教育科長溫大化爲財政科長二

人皆不諳公事崔適爲該知事之師講求考據之學終日在辦公廳著書吟詩一切公事委之書記該知事又用司獄彭光熊任收發之處賄賂公行去歲三月煙犯張彩文賄彭四百角將提票註銷經執法王邦彥搜獲該知事無可袒護始將彭僕王福監禁以飾耳目而彭則寵任如故此該知事之罪狀七

(八)濫保非人 民政長通令知事因事出門以第一科科長代理該知事抗違省令於下鄉禁煙時以警署長代理朦保騙准以致各團體羣起反對風潮激烈幾成大變此該知事之罪狀八

(九)縱兵毀學 該知事率兵下鄉禁煙聽芳山鄉地痞王仁聲一面之詞謂該鄉賑款去歲由該鄉自治職員吳鳳歧王福申領充競化學校之用於是縱令黃哨官樹勳及法警吳魁搗毀學校查禁煙首戒騷擾學務關係重要該知事藉口賑款竟敢擾及學校其他之無法無天不問可知該知事之罪狀九

右列九大端均係該知事彰明較著確鑿有據之罪狀其他違法營私尙屬指

不勝屈非亟請彈劾則瑞安一縣闔無天日當亦貴議長之所聞而慘目者也

第一次會議日時 四月二十日下午四時至二十分

建議股審查會提出報告書如左

本股審查周景濂等請彈劾金知事違法議案特報告如左

光復以後官吏違法甚於前清此件陳請書臚列金知事罪狀九條其中雖無可議之處然如第四條之兇橫不法第五條之冒報肥私第六條之抗違省令侵蝕選舉旅費言之鑿鑿不爲無因至第二條之重征橫斂前據唐閩唐公任等陳請彈劾曾將該知事重征浮收各據攝影附呈尤爲鐵証故本審查會對於此案應援照天台新昌長興各案提付大會請即公決

審查長將審查結果報告畢衆議員對於本案付議無異議定於下次編入議事日程

第二次會議日時 四月二十五日下午一時五十分至二時三十分

一讀會 衆議員先後討論咸稱該知事違法殃民罪狀昭著亟應嚴行懲辦以肅官方并有主張凡本會對於民政長以下屬員違法不必彈劾直可咨請查辦復有主張此案應先付審查方爲慎重表決贊成無須付審查者計五十五人多數即照陳請書通過咨請民政長嚴行懲辦

(三十二) 臨海縣公民余藻等陳請查辦台州禁煙監督謝祖康違法案

竊查中華民國約法人民之身體非依法律不得逮捕拘禁處罰人民之家室非依法律不得擅入搜索而且停止刑訊有令私得賄賂有罰煌煌訓令何等尊嚴乃台州禁煙監督謝祖康弁髦法令竟敢派其親戚王鼎元傅琦等率同巡丁挨戶索詐無論有癮無癮已戒未戒均被搜捕有錢者即行釋放無錢者大肆刑威甚至以人命爲草菅以刑杖爲嘗試縱容私人公行賄賂以致台屬民居紛紛遷徙如遇大亂至於城鄉煙館開設有數百家之多而謝祖康毫不過問任法外之道遙罰款總計有三萬之譜而謝祖康祕不宣布作自由之行

動謹將其種種不法行爲開列於左懇請貴會議決轉咨民政長先行停職并咨省檢察長提起公訴按律懲究以維法律而重人權

(一)擅殺無辜 去歲陰歷十月間臨海東鄉大田鎮警官藉禁煙大題妄捕農民激毆巡士一案經地人盧映茂等議令賠償了案後該監督不知受何人厚囑密飭排長劉長城哄誘案外良民楊秀楷到案不經法院不取口供不收證據僅問姓名卽發西郊斬首又海鄉小芝地方禁煙董陳月軒敲詐激變毆傷委員一案該監督統率大兵焚燬民房二三十間索豬百頭索米八十石奸淫婦女無數勒令賠償洋一千八百元復捕案外老弱之民二人擅行槍斃

(二)濫用刑威 該監督好用笞杖以示尊威每日坐堂鞭二三人或四五人不等凡無賄可索者卽素無煙癖之人亦必辱之如李存賢張阿銘陳大中巖頭農民某退伍兵某等是也尤可痛者項永新一名素不吃煙被拔後索賄不遂置之幽室不服赴法院起訴觸謝祖康之怒提出毒打軍棍五百死而復蘇

(一)借地索賄 該監督目的在索賄不在禁煙富而無癮者係是罪人貧而癮深者置之不問陶曉春尹輔齋郭永焜翟洛東洪凱福馮少仁輩皆富而無癮或索洋數百元百元數十元不等再可惡者董章氏一名明知其無癮勒令裸體調驗置諸幽室索去獄費百元始得普通調驗七日無癮復巧立名目勒令捐繳禁煙局洋四十元

(一)縱私敲詐 該監督用私人王鼎元傅琦謝雲芝謝漁臣謝少遂等四出敲詐無惡不作每遇罰款伊等必索後手如羅幼朗罰洋八百元除巡丁看管費四十四元外加後手洋五十元章士元罰洋四百元加後手五十元羅氏罰洋百元加後手洋二十元諸如此類不可勝數凡有罰款必有後手現謝雲芝經第六檢事廳提起公訴送交第六法院判以三等徒刑王鼎元等仍有恃無恐敲詐如故

(一)創立地獄 該監督於辦公處後面挖一地洞上蓋木板不見天日對於

無錢可罰之人悉置其中此等地獄可謂該監督之特創矣

(一)預備吞款 臨海向設有戒煙局人民赴戒者甚形踴躍該監督到台後卽行取消舊有戒煙局自己特設戒煙局爲今日開報罰款地步查其內容私人甚衆投戒者固乏其人由監督送局者亦屬寥寥其原因在富而已罰者癮之斷否不問也貧而有癮者或加笞杖或置地獄癮之斷否又不問也現罰款數逾三萬既不榜示又不冊報迭經地紳一再質問均答已於戒煙局內開支矣其款項吞蝕已可想見

(一)挾證架害 該監督日派巡丁挨戶索詐遇無証據卽將烟具或烟漿帶來陪置其家以爲架陷如裕昌當舖婁震耀各家均被其害

第一次會議日時 四月二十九日下午四時二十分至四十分
建議股審查會提出報告書如左

本股審查臨海縣公民余藻等陳請查辦台州禁烟監督謝祖康違法案特提

前報告如左

本月十三日本會收受臨海縣公民余藻等陳請書臚列台州禁烟監督謝祖康違法種種請本會轉咨民政長先行停職並咨省檢察廳長提起公訴一案原列建議文書表第十一號現准張議員駟羣等面稱該監督於禁煙項下罰款三萬餘金並不榜示亦不冊報迭經士紳質問均含糊答覆蓄意吞蝕刻聞該員欲捲款潛逃請求將此案提前審查提交大會公決迅咨民政長扣留查辦按本股於本月十八日已將十一號建議各文書審查完畢因前案積壓尙未報告茲准前因特提前報告於大會

審查長說明本案提前報告理由畢復由張駟羣秦枏詳陳該監督違法實情經衆議決付議應於下次編入議事日程

第二次會議日時 四月三十日下午四時三十分至六時

一讀會 衆議員先後討論咸稱該監督違法證據確鑿亟應嚴行懲辦以靖

地方而重人命惟有主張該監督應受刑事上之處分可由該公民等直向司法官廳提起訴訟有主張請民政長將該監督拘解第六地方審判廳聽候懲辦經衆議決由本會備文咨請民政長從嚴懲辦

(二十二) 蕭山縣公民陳常等陳請彈劾彭知事違法案

謹遵臨時約法第二章第七條陳請議決彈劾蕭山縣知事彭延慶違法事緣彭知事蒞任以來濫權瀆職違法殃民不勝枚舉茲就其最大者八端列舉如左

(一) 濫用私刑 體刑之有傷人道疊奉部令禁革該知事審理案件並不依律科斷專用私刑拷打輕則籐鞭痛毆重則跪練踏扛如民人傅富生因勒索不遂慘遭籐鞭六百血肉橫飛如此橫暴殘酷律外逞凶蹂躪人權莫此爲甚此違法者一

(二) 縱盜陷民 捕除盜匪保衛公安爲官吏應盡之職務彭知事到任後緝

捕廢弛盜案迭出舉其大者如傅家里之放火搶掠楊家橋之慘殺事主二女大同鄉之白晝搶劫尤彰彰也總計前後盜案數十起從無全案破獲全贖發見該知事恐被懲戒遂將無辜平民誣陷爲盜希圖塞責民人陳阿銀本係農民毫無證據彭知事指爲強盜私刑拷打煨煉成獄而真正強盜反逍遙法外是以盜膽愈張劫案愈夥陷我蕭山幾同盜窟皆該知事枉法姑容此違法者

二

(三) 舞弄煙禁 禁種禁售禁吃三者爲禁令所並重有執行之責者自宜一體實力奉行該知事不以除害爲宗旨而以罰款爲前提遇有資力淺薄者概置之不問聽其放任自由如聞堰河鎮臨浦等處煙館林立公然私售私吸並不飭警偵查力求撲滅大背禁烟本旨此違法者三

(四) 隱沒罰款 罰金爲國家公款自當依法榜示遵章解繳彭知事對於各項罰款有全不榜示者有榜示僅及半數者自該知事到任以來總計罰款爲

數甚鉅核之榜示額數未及十分之二卽如東鄉周炳源烟案罰洋一千元早
經清繳迄今並不榜示冀圖吞沒此違法者四

(五)限收訴狀 本省審判廳規則收狀時間明定上午九時起至十二時止
下午一時起至五時止彭知事蒞任後限定收狀時間每日下午二時至四時
止其餘時間概不收受致令各鄉訴訟人在城守候廢時失業不便孰甚與司
法籌備處訓令顯然違背尤可異者該知事當收呈時高坐中堂見鄉民懦弱
可欺者雖設法訴狀竟擲還不受此違法者五

(六)積案不理 積案不理有反訴訟原則疊經司法部通令在案彭知事凡
遇訴訟案件故意濡遲延不審理甚至一延再延遲至數月不得一開辯論者
在當時者固受損害於無形卽法庭之威信亦因而失墜例如商人楊企臣於
去年十二月間呈遞訴狀又於正月間續訴至今未見批復總計日程已屆四
月有餘此違法者六

(七) 違法執行 判決確定始生執行效力曾經提法司通令上訴期間民事二十日刑事十日係遵照中央所定章程辦理彭知事藐不遵奉竟於不變期間內妄發命令強制執行所在皆是卽如仁懋明記與同昌涉訟一案於二月二十一日審訊二十三日宣示判詞明載確定繳款忽於三月七號發執行文此違法者七

(八) 不法監禁 人民之身體非依法律不得逮捕監禁爲臨時約法所保障如仁化鄉民人莫賡生與杭保榮因債務涉訟由杭之沂仲裁和解取下訴訟具結完案乃彭知事復將莫賡生私押半月餘此違法者八

以上八大端有卷宗可查事實可稽證據確鑿無可隱諱爲該知事違法殃民之最著者也他如濫用職權破壞法治種種謬妄行爲以其關於少數人之利害故略而不詳吾蕭不幸有此劣吏若使久於任事必致全邑釀成黑暗世界鞭前專制之毒爲尤甚常等誼關桑梓痛切肌膚具有天良何忍緘默維思貴

議會爲全省人民代表有保障民命監督行政之責任爲此陳請貴議會議決彈劾轉咨撤究吾蕭人民倒懸待拯無任迫切

第一次會議日時 四月二十九日下午四時四十分至五十分

建議股提出審查會報告書如左

本股審查蕭山縣公民陳常等陳請彈劾彭知事違法案茲將審查結果報告如左

此案經衆議決毋須付大會會議俟該縣縣議會咨請案提出後併付審查會藉資參考審查之結果如此

審查長報告本案毋須付議理由畢首由韓澤提議以本案事情重大亟應付議經各議員先後贊成遂決定付議編入議事日程

第二次會議日時 五月初一日下午三時五十分至四時十分

一讀會 盛邦彥動議請變更議事日程將本案提前開議經衆贊成卽由盛

邦彥詳陳該知事違法實情以該知事若一日不去則蕭山多一日黑暗云云經衆議決照陳請書通過卽本此意咨請民政長查辦

(三十四) 太平縣公民林起等陳請查辦汪知事違法案

竊敝縣知事汪成教自到任以來種種劣迹不勝枚舉近且愈出愈奇愈行愈肆遂致閩縣人民重足而立側目而視惴惴焉有朝不保夕之勢起等生長斯土各有身家財產之關係雖非親受剝膚難免談虎色變謹就見聞所及確鑿有據者條分五大綱陳請於我省議會諸公之前敬乞俯念民生疾苦迅賜議決彈劾不勝迫切待命之至

(一) 關於違法之行爲該知事對於民刑案件不論情節輕重動以鞭箠從事計自上年八月蒞太遭其虐者已不下二百餘人現更慘無人理如林桂卿葉大玉張家賓滕老六金賢照阮義生趙業熙邵新文何煥唐林員鶴林大仙頭諸人均被箠自千數至萬數不等其中林員鶴一名尤出特別辦法置棺於傍

令行刑者不必計數斃而入之迨經閩署職員再三哀請始允收入大監早已
僅存一息又松門派出所巡士沈順興因干涉法警傳案詐洋致遭媒孽被該
知事反剪執歸押至警官劉廷瑞門首筆警六百聲言煩爾代長官受刑東門
洪澤配之媳某氏因其夫犯烟在逃歸罪於彼竟將逮捕到庭褫去衣服篋背
千下對稱非此不足以示辱此外梅溪溫嶺洞山隘頑松門各處均以窩烟窩
賭嫌疑僅憑法警一面之詞毫無確據煨燒門屋數家或十數家隘頑膨肚四
者向無告發因挨戶搜煙搜獲藏刀一柄立予搶斃剃頭匠順德老而無子家
頗小康因被法警拏賭朋毆登時殞命經其婿一再鳴冤始終勿恤凡此種種
何一爲法律所許可此則其罪一

(二)關於瀆職之行爲該知事任事半年四鄉發現命盜重案約百餘起不特
從未破獲而且從未詣勘凡遇尸親失主來報必多方究詰拍案謾罵愚民懾
於官威應對稍一遲滯卽指爲誣告而繫之獄待其證明已無妄而受縲絏經

此一波折在謹厚者自不敢固請勸驗如其不然則派一二法警隨往查視任聽上下其手飽詐而歸又不然則令執法科員代行職務任聽苛派供給勒取輿馬萬一被害人猶不解事呈求緝凶緝盜輒大聲言曰現奉上級命令禁煙爲重命盜爲輕此語竟成口頭禪以故土匪暴類聞之莫不交相慶幸所以釀出命盜案如此之多但就陰歷二月而論有部壇金寶銀涇歪李姓三衙橋謝姓各家被劫並各擄去一人古城莊某家被劫擄去二人盤馬江榮灶及林家登之侄某均被殺傷致死該知事仍照向來辦法概置不問迄今人贓無一追回凶犯無一弋獲傳聞此外尙有新場莊某姓大閭莊某姓湖亭莊某姓蔡洋莊某姓等被劫又石塘下半兩莊一夕連劫數家皆畏該知事無禮拒却不敢報案其報案而經該知事出報者尤不過二十分之一所以上級亦無從得悉敬縣人民之困苦以及該知事辦事之顛頂他若挈眷居署復因送眷而久擄離使酒好勝每當酒後必反出庭平時則與二三用事之人團坐打牌聲激內

外聞其輸贏動以千百元計凡此種種何一爲職務所應爾此則其罪二

(三)關於贓私之行爲該知事借禁煙名遍查實徵冊凡完糧在兩以上者不問是非概發硃票拘驗每日此項硃票發至八九十張之多實則陽歷一月以前署中並未設有調驗室不過意圖逼嚇人民速其早來運動而已復慮其畏縮不前也則令法警指點之謂知事狠可說話由是確有煙癮者爭倩劣紳並託法警爲之秘密交易故該知事得一分之收入法警劣紳必各沾一分之餘潤探聞閩署法警三十多名其最親信之數人陰歷年底計算均各積詐擾金千餘合共總在萬數則該知事之所入亦必稱是可知若向無煙癮與確已解斷者不肯爲暮夜之獻必遭百端蹂躪誣構而入之罪如邵祝三邱洛舟陶德順蔡永培丁學強段雲齋邱長盛陳乃普等其明徵也上八人自丁學強以上均向無煙癮自段雲齋以下均確已戒斷因無賄金致觸該知事之怒或坐以延期不到或坐以戒除未淨甚且追溯其未禁時曾業是項生理以致富各處

罰金數百元丁學強尤瞽目篤疾年逾古稀諸無可誣竟以不同居之姪媳犯煙憑空責成加以逮捕虐待並科重罰聞者莫不冤之况據該知事榜示自十月三號起至十二月末號止共計邵祝三等二十一名罰款洋三千三百元中亦漏列蔣作樊王再興兩名罰款洋四百元陳乃普名下復被吞匿去洋二百正月一號迄今罰款約及萬數則并榜示而亦無之至於是否呈報更非外人所得而知又陰歷二月初八石塘因錯捕煙犯起釁彈斃地民一傷者三該知事恐其訴訟乃調兵警數百聲言屠燒全村該處居民禍迫無奈遂劇分挽出段紳以兩千元爲知事壽又以千六百元作犒師費事始得寢凡此種種均爲受贓之鐵証此則其罪三

(四)關於侵蝕之行爲查編制法縣設掾史二名承發吏五名檢驗吏二名書記六名該知事任事八閱月矣掾史僅一劉振南承發吏僅一陳廷燮書記只兩名至檢驗吏雖傷案命案疊出而實並未嘗設遇不得已時則臨時僱用前

清之件作就令列報有其人要亦烏有先生之類合計侵蝕數目大率已達千六百餘元再縣稅學費一項上年全數不發有向領者皆藉口於縣議會推翻無人議決支配置而不理以故今歲興辦者絕無所聞已辦小學校亦有幾處因不得補助不能支持而停閉自治費除開支外約餘二千年底各鄉鎮請求攤派竟稱用罄不足尙向本年借支此次縣議會改選無論有效無效所有一切費用既經辦理自必開支該知事對於上級未有不列報者乃勒令各自治會自措將規定六百元之數盡行乾沒其餘警費預備費等尤不堪問總之得署長財政科長之承諾與之瓜分而已尤可惡者囚糧日給銅板三枚監犯呼饑概置勿郵滯納更不照章處罰前清弊政依舊不除凡此種種皆係侵蝕款之確證此則其罪四

(五)關於縱容之行爲法警由招募來斷無善良心迹况有半數鄉親在內該知事又導之以不法率之以漁利故其所到之處怪象疊呈他不具論但就松

門鏡清兩處言之陰歷十二月間該知事到地禁煙自處公館中派令親隨轎班僱役協同法警星夜前往挨戶搜索愚民吝惜小物有祖父已歿子孫藏其遺器者有嗜好已除燈盤留作他用者但有一件搜獲即將罄搶無遺就令毫無搜獲亦必損失不少當時被害之家傳聞各在百數實不能皆記其姓名唯鄭達順郭金桂陳水法蔣松生陳人坤林光鑑陳金送丁林氏陳阿貴陳德興陳崇興羅昌照等十二家共失洋五百四十三元他物倍之固屬盡人共曉此外連帶發生尙有奸淫侮辱等事雅不欲道其詳而著其醜又調驗室一任警役得賄傳送若以此爲優差而調濟之尤爲禁煙前途有礙其甚者則如第一條所述毆斃順德一事更屬縱容之極端此則其罪五

右列五條第就見聞所及確鑿可憑者紀其大略實不足道達該知事犯罪行為十分之一總而言之該知事之在敝縣除土匪凶犯感其刦殺不捕劣紳法警德其苞苴分潤外其餘各界五十萬人民無不疾首痛心同聲欲哭而唯畏

凶懼禍莫敢撓龍鱗而履虎尾耳新舊縣議會方在交爭機關停閉日久亦難望其照章糾正非求貴會速賜議決彈劾則實別無呼籲之門謹此陳請伏乞省議會諸公鑒而憐之提前付議太平幸甚起等幸甚

第一次會議日時 五月初一日下午四時二十分至三十分

建議股提出審查會報告書如左

本股審查太平縣公民林起等陳請查辦汪知事違法案特報告如左

民國官吏違法弊甚前清此案據稱汪知事罪狀種種臚舉事實均足令人髮指如濫用肉刑一層箠臀鞭背動盈千數到任僅半年遭虐者二百餘人雖婦女亦不免尤屬慘無人道統觀各節貪酷二字該知事似兼有之如果屬實非由本會咨請查辦不可但事關查辦官吏總期毋枉毋縱應請大會討論公決審查長報告審查本案情形衆議員對於審查報告無異議遂決定編入下次議事日程

第二次會議日時 五月初二日下午四時至二十分

一讀會 首由王行健詳陳該知事違法實情衆議員先後討論均認本案爲

應成立旋即議決照陳請書通過咨請民政長查辦

(二十五)義烏縣公民^{陳白}等陳請撥西湖廢祠改建宗忠簡公專祠案

竊^敵邑宗忠簡公生當北宋之季正值韃虜猖狂徽欽北去疇是勤王胡馬南

來獨支半壁出師有表臨沒渡河嚴夷夏之防勦高忠肅正漢賊之辨義昭武

侯何意中原未復大將星沉痛飲無緣黃龍孰搗隕彼英雄之涕長吁志士之

聲宿歲漢土光復共和告成吾浙先烈或立專祠或營青塚崇德報功表忠樹

義洵懿舉也獨於忠簡茲典闕如不特向隅實爲缺點查舊時省志及錢塘縣

志西湖本有宗忠簡祠徒以年湮代遠廟宇傾頽蔓草荒煙難稽古蹟遂使馨

香久替觀瞻無從况鑄奸跪墓岳廟峇嶢風雨名亭秋祠象魏陶徐既有專祠

陳馬猶堪附祀而正氣鬱礪兩間大名長垂宇宙如忠簡者置之不議不論之

列撥諸義理詎得謂平 白等夙知吾浙財政支絀撥款爲艱然亦何妨改廢他祠慰茲毅魄豈特生湖山之色實足樹邦國之型爲此聯名陳請貴會提出議案議決咨行無任企盼

第一次會議日時 四月二十九日下午四時四十分至五十分

建議股提出審查會報告書如左

本股審查義烏縣公民陳白朱章寶等請撥西湖廢祠改建宗忠簡公專祠案特報告如左

查宗忠簡公澤事業心跡赫赫在人耳目間允宜建立祠宇俎豆千秋舊時西湖本有專祠載在省志及錢塘縣志因年久傾圮並祠址亦無從稽查現調查江干龍舌嘴地方舊時亦有公祠係該船戶醵資所建名曰甯波廟取波瀾寧靜之義惟牆宇已圯僅有片基且甚湫隘可否指撥西湖廢祠改建或就江干遺址添購旁地建造請大會決之

審查長報告審查本案情形經衆議決付議編入議事日程

第二次會議日時 五月初一日下午四時五十分至五時

一讀會 衆議員對於本案認爲應當成立遂議決付庶政股審查

第三次會議日時 五月初七日上午七時五十分至八時

庶政股提出審查會報告書如左

本股審查公民陳白朱章寶等請改設宗忠簡公專祠案茲將審查結果報告如左

宗忠簡豐功懋德耳目昭彰自應追予褒崇用資激勸議將海慧寺內崧峻舊祠改設宗忠簡公祠

審查長報告審查結果衆議員對於審查報告無異議卽照報告書通過咨請民政長查照施行

五月初八日下午四時浙江省議會行第一屆常年會閉會式是日官廳蒞會

者民政長朱瑞代理內務司長周伯雄財政司長張壽鏞教育司長沈鈞業實業司長孫世偉司法籌備處長范賢方議長振鈴開會衆議員先後出席首由議長口述閉會辭

今日爲浙江省議會第一屆常年會閉會之期溯自本會開會以來忽忽八旬所議決各案重要者甚屬無幾揆厥原因蓋有二端一爲時期之停頓本會開會之初盡瘁國會選舉者幾一週當時中央復有適用諮議局章程之命令前清陋章忽施諸民國政體抵觸根本背謬故本會以法律所在萬不能服從中央非法命令用是停會以爭者又幾二旬後雖得有省議會暫行法之頒布而法定期間耗去已多一爲範圍之縮小目下中央與地方權限雖未劃明而議事範圍自然縮小省議會爲一省之立法機關故凡涉於中央範圍者自當待諸國會積此二因乃生斯果然本會既爲本省立法機關則凡關於本省行政計畫均須統籌全局此屆開會期間譬如教育全省之中應如何力謀普及又

如實業上江之紙窰台溫之漁應如何實力改良悉未議及永貞與本會同人良深抱愧自今開會之後凡關本省應興應革之事本會同人當深計而熟籌之一且遇臨時會召集均可將平日所得發輸意見成爲偉論本會之榮全省之幸也至本會對於官廳所持態度應維持者固力予維持其必應監督者亦不敢有所放棄蓋立法與行政地位雖殊而爲人民謀樂利爲國家造幸福自無稍異本會既爲人民代表一切計畫尤宜從人民方面着想以期無負代表之意此則可以共白者書不云乎民爲邦本本固邦寧自茲以往仍願官廳與本會同人三致意焉請民政長報告

民政長報告

今日爲貴會閉會良辰自開會迄今已八十日諸君黽勉從公賢勞動懇概可想見且秩序嚴肅討論精詳敏事慎言興利除弊爲全省人民謀樂利造幸福此真吾浙之光榮抑亦後來之模範瑞景仰高徽曷勝欽佩至此貴會議決

各案尤皆準時立論切中竅要當即公布實行以仰副諸君偉畫然今雖閉會

瑞對於諸君猶有無窮希望蓋我浙自光復後瘡夷滿目百端待理目下大局

雖定邦基未固瑞德薄能鮮全賴羣策羣力補救之則嗣後凡關本省應興應

革之事深望諸君時錫箴言以匡不逮將見實事求是逐漸進行治具畢張共

登衽席非特瑞所歡迎抑亦兩浙人民所仰賴瑞敢與諸君共勉之

報告畢復由議員張翹張宗暉秦炳漢毛雲鵬胡炳旒何紹韓王廉陳度盛邦

彥周琮方贊修林卓陳樹基等先後演說時已五鐘遂宣告散會

今將已付審查及緩議或廢棄各案彙列於下

審查類

私立宗文學校補助經費案

尚俠學校補助經費案

女子實業學校補助經費案

嘉禾
寧波 女子師範學校補助經費案

浙江體育學校補助經費案

借撥銅元局故址爲工業試驗場並請撥經費案

農事試驗場附設農事講習所預算案

農事改良案

餘姚縣議會陳請公斷新老兩織善公所收歸縣有案

馮丙然等陳請補助甯波女子師範學校經費案

尚俠學校校長辛素貞陳請追加經費案

浙江外國語學校校長黃化宙陳請補助經費案

吳興女子公學陳請補助經費案

紹興明道女子師範學校陳請補助經費案

緩議類

浙江省民國二年度省地方歲出歲入預算案

預算教育費經常門第二十八款增列紹興明道女子師範補助經費案

杭縣縣議會陳請解釋城鎮鄉地方自治章程第三條第二項案

長興虹區鎮和平鄉自治聯合會陳請解決取締竹商案

甌埠海防捐事件

呂公望王學等陳請將惠獻貝子祠改建五烈士合祠案

廢棄類

籌設女子中學校案

模範足踏繅絲廠附設烘繭廠案

推廣徵收房捐案

設立浙江衛生試驗所案

模範講演團補助經費案

籌設浙江製造機械模範工廠案

籌設商品陳列所案

改築勸工陳列所爲勸工場案

模範蠶種製造場附設傳習所案

設立省會土木工程處案

清丈田畝案

籌撥社廟財產擴充小學案

請修正浙江省暫行特別捐率案

改良浙省教育案

改良戲曲案

廣設女子師範以充小學教員案

改良縑絲傳習所附設烘絲廠案

省稅補助公立私立學校案

請嚴辦前任臨海縣知事周李光侵蝕縣稅省稅案

小學經費由縣統收分支案

施步青選舉爭議事件

天台縣議會請登記先行清丈案

松陽縣議會陳請警費不由縣稅開支案

石門縣議會陳請地丁滯納罰金就省稅縣稅劃歸省有縣有案

吳興禁烟局請裁禁烟局歸併警察署案

餘姚縣議會請灶課平餘充自治經費案

象山縣議會陳請玉泉場田畝悉數歸縣登記並將此糧歸縣徵收案

議員席次表

第一	席胡璠	第二	席曹位康	第三	席張一士
第四	席鍾瀚卿	第五	席俞玉書	第六	席周琮
第七	席方修贊	第八	席鄭俠	第九	席何奏篋
第十	席金作梅	第十一	席葉人奎	第十二	席葛崇黼
第十三	席張若騮	第十四	席金變	第十五	席鄭凝
第十六	席胡嶠昌	第十七	席何勳業	第十八	席高金培
第十九	席朱紫金	第二十	席王嘉謨	第二十一	席徐定趨
第二十二	席黃大樾	第二十三	席張立	第二十四	席朱燕
第二十五	席樓倩然	第二十六	席趙士英	第二十七	席勵延豫
第二十八	席沈定一	第二十九	席周錫經	第三十	席沈善保
第三十一	席蕭嘉禾	第三十二	席厲支石	第三十三	席吳文禧

第三十四席王 棹第三十五席包芝洲第三十六席宋吉成
第三十七席奚炯文第三十八席張壽鎬第三十九席劉 焜
第四十 席金 篆第四十一席丁 鎔第四十二席顧振庠
第四十三席周寶綸第四十四席王澤灝第四十五席曹 愷
第四十六席葉景僖第四十七席沈宏燮第四十八席倪子安
第四十九席徐清揚第五十 席韓 澤第五十一席潘渭璜
第五十二席孫振麒第五十三席林 同第五十四席管 穰
第五十五席湯孝佑第五十六席徐文蔚第五十七席張 峻
第五十八席陳鍾祺第五十九席倪漢波第六十 席朱景疇
第六十一席鄔 標第六十二席蔡和鏞第六十三席陳樹基
第六十四席陳乃楫第六十五席徐汝蒙第六十六席秦 枏
第六十七席凌福鏡第六十八席許炳埜第六十九席莫永貞

第七十席	孫如怡	第七十一席	余壽埜	第七十二席	王兆基
第七十三席	金永禧	第七十四席	唐黼墀	第七十五席	徐佩瑛
第七十六席	於譜言	第七十七席	馬成驥	第七十八席	潘澄鑑
第七十九席	胡炳旒	第八十席	史華藻	第八十一席	張駟羣
第八十二席	顧宗况	第八十三席	秦炳漢	第八十四席	錢丹初
第八十五席	趙之偉	第八十六席	蕭家驥	第八十七席	張廷霖
第八十八席	阮尙質	第八十九席	錢保杭	九十席	蔣世芳
第九十一席	黃守謙	第九十二席	戴乾	第九十三席	趙鏡年
第九十四席	陳度	第九十五席	謝鍾靈	第九十六席	唐兆庚
第九十七席	吳雲	第九十八席	馮良翰	第九十九席	毛雲鵬
第一百席	張翹	第一百一席	臧樹蕃	第一百二席	周丙祥
第一百三席	鄭祖康	第一百四席	王廉	第一百五席	周廷榮

- 第一百六席 張宗暉 第一百七席 湯國琛 第一百八席 林錫泉
第一百九席 姜周維 第一百十席 竺 旦 第一百十一席 王行健
第一百十二席 曾廣漢 第一百十三席 許祖謙 第一百十四席 謝自申
第一百十五席 李 芑 第一百十六席 陳廷謨 第一百十七席 張錫康
第一百十八席 吳鴻年 第一百十九席 金肇振 第一百二十席 徐仲偉
第一百二十一席 袁祥蘭 第一百二十二席 許宗周 第一百二十三席 葉冠唐
第一百二十四席 許一藩 第一百二十五席 任鳳岡 第一百二十六席 盛邦彥
第一百二十七席 吳鳳岐 第一百二十八席 陳振椒 第一百二十九席 項廷楨
第一百三十席 胡 璧 第一百三十一席 胡國銘 第一百三十二席 孫棣三
第一百三十三席 毛蒙正 第一百三十四席 郭寶琮 第一百三十五席 錢 豫
第一百三十六席 吳品珩 第一百三十七席 勞錦魁 第一百三十八席 黃崇威
第一百三十九席 錢 庚 第一百四十席 周正杼 第一百四十一席 何紹韓

第一百四十二席	楊 昞	第一百四十三席	毛雍祥	第一百四十四席	沈文華
第一百四十五席	林 卓	第一百四十六席	江登瀛	第一百四十七席	范志高
第一百四十八席	江義均	第一百四十九席	項際虞	第一百五十席	李培鏗
第一百五十一席	謝 篋	第一百五十二席	朱益敷		

政務委員表

吳 肇	朱元樹	董 康	吳文熊
劉耀東	潘 江	雷家駒	朱自強
茅元斌	周伯雄	魏在田	許 甄
沈士遠	莫 量	陳世鶴	鍾 寅
洪彥遠	朱光霽	張宗祥	方於桷
范承祐	曾 膺	葉 謙	趙之諭
馮巽占	李堯楷	朱章寶	黃 廣
羅賡良	范運樞	姚永元	

議員到會人數表

日期	到會人數
二月十八日	一百四十八人
二月十九日	一百七十一人
二月廿四日	一百六十一人
三月初三日	九十五人
三月初四日	九十五人
三月初八日	一百一十一人
三月初九日	八十一人
三月初十日	一百四十一人
三月十一日	一百一十一人
三月十三日	七十九人
三月十八日	九十三人

浙江省議會

議員到會人數表

八

浙江全省議會

日期

二十

廿一

廿二

廿三

廿四

廿五

廿六

廿七

廿八

廿九

三十

初一日

初二日

初三日

初四日

初五日

初六日

初七日

初八日

初九日

初十日

十一日

十二日

十三日

十四日

十五日

十六日

十七日

十八日

十九日

二十日

廿一日

廿二日

廿三日

廿四日

廿五日

廿六日

廿七日

廿八日

廿九日

三十日

到會人數

一百八十八人

七十九人

九十六人

一百零一人

一百三十三人

一百六十六人

一百一十二人

一百一十一人

七十九人

九十九人

一百六十六人

浙江省議會

議員到會人數表

九

到會人數	日期
一百六十人	四月初十日
一百二十人	四月十一日
一百九十人	四月十四日
一百二十人	四月十五日
一百三十人	四月十六日
一百一十人	四月十七日
一百一十人	四月十八日
一百六十人	四月廿一日
一百二十人	四月廿二日
八十五人	四月廿三日
九十一人	四月廿四日

到會人數	日期
七十八人	四月廿五日
九十三人	四月廿八日
九十四人	四月廿九日
一百九十人	四月三十日
一百三十二人	五月初一日
一百二十人	五月初二日
一百一十人	五月初三日
一百五十五人	五月初五日
一百六十六人	五月初六日
上午一百二十人 下午九十四人	五月初七日
上午一百零六人 下午八十七人	五月初八日

政務委員到會人數表

日期	到會人數
三月二十日	四
三月廿四日	四
三月廿五日	一
三月廿六日	一
三月廿九日	一
四月初五日	二
四月初七日	一
四月初十日	一
四月十一日	二
四月十四日	三
四月十八日	二

浙江省議會

政務委員到會人數表 十

日期	到會人數
廿四日 四月	七人
廿二日 四月	一人
廿三日 四月	一人
廿四日 四月	二人
廿五日 四月	一人
廿八日 四月	一人
廿九日 四月	二人
三十日 四月	一人
初一日 五月	五人
初二日 五月	二人
初五日 五月	五人

到會人數	日期
三 人	五月初六日
上 午 二 人 下 午 一 人	五月初七日
上 午 五 人 下 午 六 人	五月初八日

浙江會誌

